

國語正義

國語正義卷第十六

歸安董增齡撰集

鄭語

桓公爲司徒

解

桓公鄭始封之君周厲王之少子宣王

之弟桓公友也宣王封之於鄭幽王八年爲司徒

疏

解

公至司徒○惠士奇引辭瓚漢書注周自穆王以下都

於西鄭不得以封桓公幽王既敗虢會又滅遷居其地

國於鄭父之邱是爲鄭桓公無封於京北之文其說本

穆天子傳及竹書又世本云鄭桓公居棫林徙洛紀年

謂始居洛後居鄭父之邱是爲桓公是西周畿內未聞

有鄭國也及桓公之子武公與晉文侯夾輔平王始滅

虢鄭而都溱洧焉後世遂有新鄭之目而指漢之京北

鄭縣爲舊都實出附會齡案驪山之難桓公死之安得

有幽王敗後而桓公滅虢鄭遷居之事漢書地理志顏

注

駁

平王乎竹書及穆天子傳未足據也甚得周衆與東土之人解周衆西周

之民東土陝以東也問於史伯曰王室多故解史伯周

太史故猶難也余懼及焉其何所可以逃死史伯對曰

王室將卑戎狄必昌不可偪也解昌盛也偪迫也當成

周者解成周雒邑疏成周雒邑解成周雒邑疏周洛陽縣案今河南府洛陽

縣東北有洛陽故城南有荆蠻申呂應鄧陳蔡隨唐解荆蠻芊姓

之蠻鸞熊之後也申呂姜姓應蔡隨唐皆姬姓也應武

玉之子所封鄧曼姓陳媯姓也疏南有荆蠻解爾雅釋

引李巡爾雅注荆州其氣燥剛稟性強梁故曰荆荆強

也釋名荆警也南蠻數爲寇逆常警備之也桓二年傳

孔疏引譜云楚芊姓顛頊之後其後鬻熊事周文王早

卒成王封其曾孫熊繹於楚以子男之田居丹陽南郡

枝江是也武王居郢江陵是也案今江陵枝江二縣並隸湖北荊州府○申呂應郡○申呂周語已解訖漢地理志潁川郡父城縣應鄉也故國周武王弟所封顏注據左傳邗晉應韓武之穆也是則應侯武王之子又與志說不同水經溇水注溇水又左合橋水東南應山北又南逕應城西周武王封其弟爲侯國戰國時范睢所封邑也魏世家正義引括地志故應城故應鄉也在汝州魯山縣東三十里倍二地志故應城故應鄉也在陽城父縣西案今河南汝州所屬魯山寶豐二縣界有應城漢地理志南陽郡鄧縣應劭曰鄧侯國秦本紀昭王十六年左更錯取軹及鄧正義引括地志云故鄧城在懷州河陽縣西三十一里杜氏釋例曰鄧國義陽鄧縣案今湖北襄陽府東北二十里○陳周語已解訖周本紀四年及世本文○陳蔡隨唐○陳周語已解訖周本紀正義引括地志豫州北七十里○陳周語已解訖周本紀弟叔度於蔡是也縣東北七十里○蔡縣古蔡國武王封汝甯府上蔡縣十里有故蔡國城桓六年傳杜注隨義陽隨縣孔疏引賈逵注隨姬姓水經湏水東南過隨縣西酈注縣故隨國左傳所謂漢東之國隨爲大者楚滅之酈注縣有澧水出縣西北黃山莊四年傳除道梁澧

營軍臨隨謂此水也水側有顯地邱隨侯出而見大地
中斷因舉而藥之後地銜明珠報德邱南有隨季梁大
夫池案今隨州隸湖北德安府古城在州南宣十二年
傳杜注唐屬楚之小國義陽安昌縣東南有上唐鄉水
經涇水注涇水逕上唐縣故城南北有衛燕翟鮮虞路
本蔡陽之上唐鄉故唐之侯國

洛泉徐蒲

解

衛康叔之封燕邵公之封皆姬姓也翟北

翟也鮮虞姬姓在翟者路洛泉徐蒲皆赤翟隗姓也疏

北有至鮮虞○衛燕齊語已解訖漢書匈奴傳匈奴其
先夏后氏之苗裔曰淳維唐虞以上有山戎獫狁薰鬻
居於北邊周西伯昌伐猷夷武王放逐戎夷涇洛之北
至穆王之孫懿王時王室遂衰戎狄交侵宣王興師命
將以征之至幽王用寵姬褒姒之故與申后有隙申
侯怒而與猷戎共攻殺幽王於麗山之下是對文則西
戎北翟通言之則戎即翟也後漢書郡國志中山國新
市縣有鮮虞亭故國子姓杜預曰白翟別種史記索隱
中山古鮮虞國姬姓是司馬貞川宏嗣義矣案漢地理
志注引應劭曰鮮虞子國今鮮虞亭是是誤以子爵爲

子城也今直隸正定府新樂縣西南有新市故城俗名
新城鋪其地有鮮虞亭○路說文及三體石經作潞後漢書
匈奴傳及劉寬碑陰作路○路泉徐蒲○路即潞漢書
郡國志上黨郡潞本國注引左傳哀四年傳杜注潞縣
東有壺口關上黨記曰潞濁漳也縣城臨潞案今山西
潞安府潞城縣即其地縣東北四十里有故路城洛即
維宣十五年傳晉侯治兵於稷以畧狄土立黎侯而還
及魏賈秦師于輔氏杜注維晉地蓋洛本翟地也後
屬于晉史記匈奴傳晉文公攘戎翟居于河西圍洛之
問是也泉即前昭二十三年傳司徒醜以王師敗績於
前城孔疏引服虔注前讀爲泉即泉戎地在伊闕南水
經伊水注伊水自新城又北經前亭西是泉即前也徐
未知何地漢地理志河東郡蒲子縣應劭曰故蒲反舊
邑武帝置師古曰重耳所居也應說失之是蒲亦翟地
而晉并之者張洽曰赤狄之別種謂之赤狄白狄
俗尚赤衣白衣也地譜洛州春秋赤狄之地張氏之說
未知西有虞號晉隗霍揚魏芮○八國姬姓也虞虞仲
是否

之後號號叔之後西號也

疏

西有虞號晉隗○虞號晉
晉語已解訖傳二十三年

傳杜注廣谷如赤狄之別種隗姓孔疏女曰叔隗季隗
知爲隗姓路史國名紀山海經有員神隗氏春秋隗氏
之地姑存其說以俟審定○霍晉語已解
訖昭二十八年傳僚安爲楊氏大夫杜注平陽楊氏縣
襄二九年霍揚杜注揚屬平陽郡漢地理志河東郡
楊縣應劭曰揚侯國漢書揚雄傳其先出自周伯僑以
支庶初食采於晉之揚揚在河汾之間應劭注揚卽今
之河東揚縣蓋本揚侯國晉滅之以爲邑在今山西
平陽府洪洞縣南二里地名危城村鄭康成詩講魏者
虞舜夏禹所都之地在禹貢冀州雷首之北析城之西
周以封同姓焉其封域南枕河曲北涉汾水服虔曰魏
在晉之蒲阪漢地理志曰魏國在晉之南河曲故其詩
曰彼汾一曲真之河之側魏世家正義魏城在陝州芮
城縣北五里今真山西解州芮城縣正魏城是也漢書
地理志左馮翊臨晉縣有芮城故芮國後漢郡國志古
芮國與虞相讓者水經河水注河自河北城南東運
芮城案今陝西同州府朝邑東有齊魯曹宋滕薛鄒莒
縣有芮故城在黃河西岸

解齊姜姓魯曹滕皆姬姓宋子姓薛任姓鄒曹姓莒已

姓東夷之國也

疏

東有至鄒莒○齊周語已解訖漢魯

志沛郡公邱縣侯國故滕國周懿王子錯叔繡所封也

十一世爲齊所滅顏師古曰左傳邾莒曹滕文昭也

系本亦云錯叔繡文王子而此志云懿王未詳其義水

經泗水注南梁分水爲二水北枝出西逕蕃縣北又

西逕滕城北漢高祖封夏侯嬰爲侯國號曰滕公鄧晨

曰今沛郡公邱也故城在滕西北城周二十里內有

子城按地理志卽滕也周懿王子錯叔繡文公之所封

齊滅之齡按今山東兗州府滕縣西南十五里有古滕

城水經泗水注鄒夏車正奚仲之國也晉太康地記曰

故城北地理志曰夏車正奚仲之國也晉太康地記曰

奚仲冢在城南二十五里上奚仲之國也晉太康地記曰

其後當周爵稱侯後見侵削霸者所緹爲伯任姓也案

今山東兗州府滕縣南四里有群城漢地理志魯國

鄒縣故邾國曹姓二南九世爲楚所滅繹山在北按今

鄒縣屬山東兗州府漢地理志爲楚所滅繹山在北按今

三世爲楚所滅○少昊後按今莒州屬山東沂州府○姓

項之後有陸終產六子其第五子曰安邾卽安之後武

王封其苗裔邾俠爲附庸居邾今魯國臨縣是也按哀
二十三年傳宋景曹卒此邾女故曹姓足證史伯曹姓
鄒莒之文乃水經河水注濕水又東逕鄒平縣故城北
古鄒侯國舜後姚姓也姑采其說以存舊聞隱二年經
孔疏世本莒紀姓文八年傳穆伯奔莒從己氏是莒已
見於傳也譜云莒嬴姓少昊之後世木自紀公以下爲
己姓不知誰

賜之姓者
是非王之支子母弟甥舅也則皆蠻荆戎
翟之人也解王支子母弟姬姓是也甥舅異姓是也蠻

荆楚也戎翟北翟路洛泉徐蒲是也戎或爲夷非親則

頑不可入也解親謂支子甥舅頑謂蠻夷戎翟也其濟

洛河頽之間乎解言此四水之間可逃也謂左濟右洛

前穎後河疏解言此至後河○漢書地理志流水出河

蔡水經自王屋山東流爲沈水至溫縣西北爲濟水夏
本紀正義濟水入河而南截度河南岸溢滎澤在鄭州

滎澤縣西北四里按鄭州卽春秋時鄭所都也水經洛水注洛水又東逕鞏縣故城南又東北流入于河山海經曰洛水成臯西入河是也謂之洛汭卽什谷也號鄆居洛之東河之南洛水由西南而注東北故曰右洛也水經潁水出潁川陽城縣西北少室山又東南過陽翟縣北潁注潁水又逕上棘城西北左傳楚師伐潁城上棘以涉潁者也按宣十年傳楚子伐鄭晉士會救鄭遂楚師于潁北是潁在鄭南故曰前潁也考工記匠人營國左祖右社面朝後市則後指北方春秋時晉在鄭北宣十二年傳晉師救鄭及河聞鄭旣及楚平襄九年傳晉侯伐鄭歸與公宴於河

是四水也號東號號仲之後姬姓也鄆妘姓也當幽王

是四水也號東號號仲之後姬姓也鄆妘姓也當幽王時於子男此二國爲大疏是其至爲大○漢書地理志

應劭注故號國今號亭是也僖五年傳賈逵注號仲封

東號號制是也祭今河南開封府汜水縣東十里近滎

陽界有號故城水經洧水注洧水又東南經鄆城南三世

本曰陸終氏娶于鬼方氏之妹曰女隤是生六子孕三

年啓其左脇三人出焉破其右脇出三人焉其四曰萊言是爲鄆人鄆人者鄭是也鄭桓公問於史伯曰王室少難余安逃死乎史伯曰虢鄆公之民遷之可也鄭氏東遷虢鄆獻十邑焉劉禡云鄆在豫州外方之北北鄰于虢都祭播之而左濟右洛居兩水之間食棗海焉徐廣曰鄆在密縣妘姓矣不得在外方之北鄆康成詩譜節者古高辛氏火正祝融之墟其國北鄰于虢也虢叔恃孔穎達謂鄆在密縣北是其國北鄰于虢也虢叔恃

勢鄆仲恃險解此虢叔虢仲之後也叔仲皆當時二國君之字勢地勢阻固也險有險阨皆恃之而不修德是

皆有驕侈怠慢之心而加以貪冒

疏

加以貪冒○哀十一年傳貪

冒無厭漢書程方進傳冒濁苟容顏注食蔽也漢五行志顏注言蒙也蔽于義理君若以周難

之故寄孥與賄焉不敢不許解妻子曰孥賄財也周亂

而弊是驕而貪必將背君君若以成周之衆奉辭伐罪

無不克矣解桓公甚得周衆奉直辭伐有舉故必勝也

若克二邑解二邑虢郟鄩蔽補丹依味歷華君之士也

解言克虢郟則此八邑皆可得也疏郟蔽至之土○漢

陵縣按隱元年經鄭伯克段于鄩今屬河南開封府僞

未詳所在戰國策昔者神農伐補遂羅泌指補遂爲補

呂氏春秋直諫篇荆文王得丹之姬淫甚年不聽朝則

丹後爲禁邑當武公時屬郟一本作舟或引昭十三年

傳克息舟城而居之爲解按詩正義引周語摯疇之國

非也依歷未詳所在王應麟詩地理考周語摯疇之國

也由大任注疇摯二國任姓則本紀昭王三十三年客

黃水東南流經華城西史記秦本紀昭王三十三年客

卿胡傷擊芑卯華陽破之司馬彪曰華陽在密縣正義

引括地志故華城在鄭州管城南三十里一本作莘案

莘爲西號邑卽丹朱降神之地安得移屬東號乎鄭世

家虞翻注及水經洧水注毛詩正義並作華宏嗣云八

邑詩正義云八國按此八若前華後河右洛左濟解華

地皆屬虢郟不得云國也

華國也主芑驪而食溱洧解芑驪山名主爲之神主也

孔子曰夫顓臾爲東蒙主食謂居其土食其水也疏主

至溱洧○漢書地理志河南郡密縣密故國有驪山引

水所出南至臨潁入潁後漢郡國志密有大隗山注引

山海經大隗之山其陰多鐵水經溱水注大隗山注引

山也黃帝登具茨之山升洪隄之上受神芝圖於黃蓋

童子卽此山也元和郡縣志大驪山在河南密縣東南

五十里卽溱說文作澮水經澮水出鄭縣西北平地鄉注

澮水出鄭城西北東南流歷下田川逕鄭城西謂之柳

許水又南縣流奔壑崩注丈餘其下積水成潭廣四十

之郟水昭十九年傳杜注洧水出滎陽密縣東南至潁

川長平入潁水經洧水注洧水又東南逕郟城南又東

逕新郟縣故城中又東爲洧淵水今洧水自郟城西北

屈而東南流逕鄭城南有鄭莊望母壘齡案今洧

水自密縣東流逕新郟縣南有鄭莊望母壘齡案今洧

卽春秋時龍鬪之洧淵也食謂食修典刑以守之唯是

其征賦昭七年傳食土之毛是也

可以少固解其後卒如史伯之言公曰南方不可乎解

南方當成周之南中鄧之間對曰夫荆子熊嚴生子四

人伯霜中雪叔熊季紉解荆楚也熊嚴楚子鬻熊之後

十四世也伯霜楚子熊霜季紉楚子熊紉也中不立叔

在濮耳疏之苗裔曰鬻熊其子曰熊麗麗生熊狂狂生

熊釋釋生熊渠渠生熊毋康康生熊摯摯生熊勝勝生熊

楊延延生熊羆羆生熊勇勇生熊嚴嚴生熊軾軾生熊

孫而勝楊摯延勇嚴兄弟相及已更十四君故言十四

世也楚世家又云熊嚴兄弟相及已更十四君故言十四

子仲雪次子叔堪少子季徇長子伯霜代立是為熊霜中

熊霜元年周宣王初立熊徇六年卒三弟爭立中雪死

初封於鄭昭元年傳杜注建甯郡南有濮夷張守節曰

安國云庸濮在漢之南按成公元年楚地千里孔說是也
齡按爾雅南至於濮鉉周書伊尹爲四方獻合正南
曰百濮文十八年傅麋人率百濮聚于選選在今湖北
荆州府枝江縣南境距楚都甚近濮亦當距選甚近若
晉之建甯郡在今雲南界內離楚太遠矣
叔逃難於濮而蠻季紉是立蓮氏

將起之禍又不克解叔叔熊濮蠻邑蓮氏楚大夫克能

也熊霜之世叔熊逃奔濮而從蠻俗熊霜死國人立季

紉蓮氏將起叔熊立之又有禍難而不能立也是天啓

之心也解啓開也天開季紉故叔熊不得立有心字誤

又甚聰明和協蓋其先王解言季紉又聰明能和協其

民臣之心功德蓋其先王也臣聞之天之所啓十世不

替解替廢也夫其子孫必光啓土不可偪也解光大也

且重黎之後也

解

重黎官名楚語曰顓頊乃命南正重

司天北正黎司地言楚之先爲此二官

疏

重黎之後○楚世家重黎

爲帝嚳高辛居火正索隱此重黎爲火正彼少昊氏之

後重自爲木正知此重黎卽彼之黎也文選張平子思

元賦注有黎高辛氏之火正謂祝融也楚靈王之世衡

山崩而祝融之墓壤中有靈邱九頭圖是楚重黎後也

夫黎爲高辛氏火正

解

高辛帝嚳也黎顓頊之後吳回

也顓頊生老童老童生重黎及吳回吳回生陸終陸終

產六子其季曰季連爲芊姓楚之祖也季連之後爲嚳

熊事周文王其曾孫熊繹當成王時封於荊蠻爲楚子

黎當高辛氏爲火正傳曰吳回爲黎黎火正也

疏

黎爲至火

正○史記楚世家高陽生稱稱生卷章章生重黎爲

高辛氏火正此是重黎非單名證也此文史伯言黎者

承上重黎而省一文也與昭二十九
為祝融者非一守人蔡墨言世不
之為祝融子孫世守其官重黎既
黎高辛時重黎亦號祝融先儒謂
黎二字為名者即黎之孫自與句
亂帝命重黎而後不盡乃以庚寅
吳回為火正為重黎而後不盡乃
陸終陸終重黎弟吳回為火正
黎之語觀射父言重黎實當與故
之楚語即尚書和氏之祖又曰龍
楚語之重黎者非楚祖矣司馬遷
以司馬氏出自高辛所誅之重黎
黎合為一人故束皙議之史伯所
言之一黎祖孫之別猶穴熊與熊
益掌火昭元年傳闕伯陶唐氏正
止司燿之職也○解黎至楚火戴
頂娶于滕隍氏○解黎至楚火戴
童娶于竭水氏○解黎至楚火戴

回漢書人表媯極老童如生重黎山海經郭注者童老
童也顓頊之子楚世家集解老童卽卷章鸞熊曾孫熊
繹者楚世家季連生附沮附沮生穴熊其後中微弗能
紀其世周文王之世季連之苗裔曰鸞熊孔廣森大戴
禮補注鸞熊卽穴熊聲讀之異史誤分之楚世家鸞熊
子事文早卒其子曰熊麗麗生熊狂狂生熊釋則熊釋
爲穴熊也

曾孫也以溱燿惇大天明地德光昭四海故命之曰祝
融其功大矣解溱大也燿明也惇厚也言黎爲火正能

治其職以大明厚大天明地德故命之爲祝融祝始也
融明也大明天明若厯象三辰也厚大地德若敬授民
時也光昭四海使上下有章也夫成天地之大功者其
子孫未嘗不章解章顯也虞夏商周是也解是成天地
之功者虞幕能聽協風以成樂物生者也解虞幕舜後

虞思也協和也言能聽知和風因時順氣以成育萬物

使之樂生者也周語曰瞽告有協風至王乃耕藉之類

是也

疏

虞幕至物生○漢書律歷志至治之世天地之

律得風氣而成聲風和乃律調也蓋風協則樂和樂和則成樂物生而風之協否唯幕能聽之也○解成幕舜後虞思○史記集解引賈逵左傳注幕舜後虞思也至於鄭衆曰幕舜之先杜注亦曰幕舜之先從幕至瞽瞍無間違天命以自廢絕宏闢此注實本賈義然問違天命廢絕者魯語幕能帥顓頊者也有虞氏報焉孔穎達禮疏引孔晁國語注幕能修道功不及祖德不及宗故每於歲之大烝而祭焉謂之報言虞舜祭幕明幕是舜先矣春秋命顓頊裔孫非父子也故路史言窮蟬出於虞幕則幕在顓頊後蟬前無疑幕為有功始封之君舜所自出以王天下者也故曰虞幕哀元年傅少康逃奔有虞思於是以取之姚杜注梁國有虞城縣今河南歸德府虞城縣南三里有故虞城本舊縣址古

虞國也是思乃幕之子孫非卽幕也若幕卽思則思與少康同時安得有虞氏報焉且虞思夏時一侯國耳安得與夏禹商契周棄相提並論乎

夏禹能單平水土以品處庶類者也

解單盡也庶衆也品高下之品也禹除水災使萬物高

下各得其所商契能和合五教以保于百姓者也**解**保

養也五教父義母慈兄友弟恭子孝也魯語曰契爲司

徒而民輯周棄能播殖百穀疏以衣食民人者也**解**棄

后稷也播布也殖長也百穀黍稷稻粱麻麥荏菽雕胡

之屬疏草菜之可食者其後皆爲王公侯伯**解**禹身王

稷契在子孫公侯伯謂其後杞宋及幕後陳侯也祝融

亦能昭顯天地之光明以生柔嘉材者也**解**柔潤也嘉

善也善材五穀材木也其後八姓於周未有侯伯解八

姓祝融之後八姓已董彭秃妘曹斟莘也侯伯諸侯之

伯佐制物於前代者解佐助也物事也前代夏殷也昆

吾爲夏伯矣解昆吾祝融之孫陸終第一子名樊爲己

姓封於昆吾昆吾衛是也其後夏衰昆吾爲夏伯遷于

舊許傳曰楚之皇祖伯父昆吾舊許是宅疏是宅○楚

世家集解引虞翻注昆吾名樊爲己姓封昆吾世本曰

昆吾者衛是也索隱引宋忠曰左傳衛侯夢見披髮登

陽吾之觀今濮陽城中有昆吾臺是正義引括地志濮

陽古昆吾國昆吾故城在縣西三十里臺在縣西百步

卽昆吾墟也淮南隆形訓昆吾邱在南方漢書人表顏

注昆吾妘姓國按古莢妘皆作呂呂从反已則妘已通

大彭豕韋爲商伯矣解大彭陸終第三子曰篋爲彭姓

封於大彭謂之彭祖彭城是也豕韋彭姓之別封於豕

韋者殷衰二國相繼為商伯疏家解大彭至商伯楚世

為彭姓封於大彭世本曰彭祖者彭城是也正義引括

地志彭城古彭祖國神仙傳彭祖諱鏗帝顓頊之元孫

至殷末年已七百六十七歲而不衰遂往流沙之西非

壽終也按水經獲水注獲水於彭城西南迴而北流

運彭城西北城之東北角起層樓於其上號曰彭祖

樓下曰彭祖冢則神仙傳之說非也路史後紀籛封于

彭夏之中與別封其孫元哲于韋是為豕韋襄二十四

年傳杜注豕韋國名東郡白馬縣東南有韋城按在今

河南衛輝府滑縣東南五十里當周未有解未有侯伯己姓昆吾蘇願

濫董解五國皆昆吾之後別封者莒其後疏董○姓至濫

立政司寇蘇公隱十一年傳王與鄭人蘇忿生之田溫

原緝樊黜鄆橫茅向盟州陘懷杜注十二邑皆蘇忿

生之田橫茅隳屬馮餘皆屬河內哀二十一年傳杜

注顧齊地商頌韋願既伐漢書人表作鼓顏師古曰卽

顧國今山東曹州府范縣東南五十里有顧城漢書地理志河內郡溫縣溫故國已姓蘇忿生所封隱三年傳鄭祭足取溫之麥杜注河內溫縣今屬河南懷慶府古溫城在縣西南三十里文六年傳改蒐于董宣十二年傳董董澤之蒲杜注河東汾陰縣有董亭按今山西絳州直隸州聞喜縣東北四十里有董澤董姓禮

夷豢龍則夏滅之矣解董姓己姓之別受氏爲國者有

颺叔安之裔子曰董父以擾龍服事帝舜賜姓曰董氏

曰豢龍封之醜川當夏之興別封醜夷於孔甲前而滅

矣孔甲不能食而未獲豢龍氏劉累學擾龍于豢龍氏

以事孔甲疏解董姓至孔甲○漢書地理志南陽郡湖

傳作颺字其音同耳案今河南南陽府唐縣南有湖陽

故城夏本紀集解引賈逵左傳注豢養也穀食曰豢又

引應劭曰擾者柔擾馴也能順養得其嗜欲案玉篇擾

當作擾張守節引括地志劉累故城在洛州猷氏縣南

五十五里乃劉累之故地彭姓彭祖豕韋諸稽則商滅之矣解彭祖

大彭也豕韋諸稽其後別封也大彭豕韋爲商伯其後

世失道殷復興而滅之疏解彭祖至滅之○大彭豕韋

姓密之西北三十里春秋之諸國稽彭姓毫之譙有稽

山案羅氏分諸稽爲二地然吳語諸稽郢行成于吳必

諸稽之後裔則諸稽當台爲國名羅說非是秃姓舟人則周滅之矣解秃姓

彭祖之別舟人國名疏解秃姓至國名○昭十三年傳

舟道博古圖有舟姜敦則舟疏楚有息舟哀二十一年傳齊有

爲國名當以在楚者近之妘姓鄆鄆路偃陽疏陸終

第四子曰求言爲妘姓封於鄆鄆今新鄭也鄆路偃陽

其後別封也疏解陸終至別封○隱十一年傳杜注紘

偃師縣西南五十里鄆路上有鄆聚案在今河南河南府

注彭城傅陽縣也漢地理志楚國傅陽縣故偃陽國顏

師古注偃音福章懷太子曰偃陽故城在
承縣南案在今兗州府嶧縣南五十里 曹姓鄒莒解

陸終第五子曰安爲曹姓封於鄒皆爲采衛解皆妘曹

也采采服去王城二千五百里衛衛服去王城三千里

或在王室或在夷翟莫之數也解或或六姓之後也在

王室蘇子濫子也在夷翟莒偃陽也而又無合聞必不

興矣樹姓無後解樹姓曹姓之別或云夏少康滅之非

也傳有樹灌樹鄒澆所滅非少康又皆夏同姓非此也

疏解樹姓至非此○漢地理志北海郡樹縣故國禹後

然皆國名非姓也又皆禹後壽光應劭曰古斟灌禹後

非陸終後也故章解斥其非融之興者其在芊姓乎芊
姓夔越不足命也解夔越芊姓之別國也楚熊繹六世

孫曰熊摯有惡疾楚人廢之立其弟熊延摯自棄於夔

其子孫有功王命爲夔子疏六年傳夔子不祀祝融與

鬻熊楚人讓之對曰昔我先王熊摯有疾鬼神弗赦而

自竄於夔楚世家熊渠長子毋康蚤死熊渠卒子熊摯

紅立摯紅卒其弟弑而代立曰熊延譙周史考宋均樂

緯注並言摯有疾是常以左傳爲正故韋解不從楚世

家也左傳疏引孔晁國語注熊元孫曰熊摯有功王命爲

夔子廢之立其弟熊延熊摯自棄于夔子孫有功王命爲

夔之南郢注縣故歸鄉也地理志曰歸子國也樂緯曰

昔歸典協聲律宋忠曰歸即夔歸鄉蓋夔鄉矣古楚之

媯嗣有熊摯者以廢疾不立而居於夔爲楚附庸後王

命爲夔子左傳杜注夔楚同姓國建平秭歸縣案今湖

北宜昌府歸州西南三里封夔城地名夔沱感世家

越夏禹之後少康子也封夔以奉禹祀杜氏世

族譜越姁姓其先夏后少康之庶子封於會稽自號於

越百越而夷言發聲也杜卽用史記越漢書地理志臣瓚注

自交趾至會稽七八千里百越雜處各有種姓不得盡
云少康之後世本越爲羊姓與楚同姓然則越非禹後
明矣顏師古注越之爲號其來尚矣少康封庶子以主
禹祠君於越地交趾周時爲駱越秦時曰西甌南越及甌
義引輿地志交趾周時爲駱越秦時曰西甌南越及甌
駱皆芋姓也僖三十年傳杞郟何事相之不饗於此久
矣越果少康之後亦應數及昭五年經楚子蔡侯陳侯
許男頓子沈子徐人越人伐吳李廉謂通越制吳之始
蓋晉通吳以斃楚姓以相助也蠻芋蠻矣解蠻芋謂叔熊
以斃吳各援同姓以相助也蠻芋蠻矣解蠻芋謂叔熊
在濮從蠻俗也疏蠻芋蠻矣解蠻芋謂叔熊
達曰鄭語史伯曰蠻芋蠻矣注云謂上言叔熊避難於
濮蠻隨其俗如蠻人也故曰蠻彼不作閩者彼蓋後人
傳寫者誤也鄭康成以閩爲正叔熊居濮如蠻後子從
分爲七種故謂之七閩案剛字訛作蠻唐初已然故孔
仲達唯荆實有昭德若周衰其必興矣解昭明也姜嬴
糾之唯荆實有昭德若周衰其必興矣解昭明也姜嬴
荆芋實與諸姬代相干也解姜齊姓嬴秦姓芋楚姓代

更也干犯也言其代惡更相犯間也姜伯夷之後也解

伯夷堯秩宗炎帝之後四岳之族也疏○解伯夷至之族

孔疏周語稱堯命禹治水其之從孫四岳佐之解十一

國命為侯伯賜姓曰姜氏曰有呂賈達注共其王也從

孫同姓末嗣之孫曰岳官名大岳也上四岳之祖姓以紹炎

帝之後以此知其四岳是神農之後堯賜姓曰姜者黃帝之後

別姓非一自是以其本姓而周語稱賜姓曰姜者黃帝之後

也解伯翳舜虞官少皞之後伯益也疏○解伯翳至伯益

先帝顓頊之苗裔孫曰女修女織元鳥隕卵女修吞

禹平水土帝舜曰吝費贊禹功其賜爾阜序爾後嗣

將大出乃妻之姚姓之玉女大費拜舜佐舜調馴鳥獸

之齋女吞服是為伯翳舜賜姓贏氏索隱曰女修顓頊

禮顯頭非生人之義也按左傳邾國少昊之後而贏姓蓋其族也則秦趙宜祖少昊氏齡按索隱所引足證章解之伯夷能禮於神以佐堯者也解秩宗之官於周爲

宗伯漢爲太常掌國祭祀書曰典朕三禮謂天神人鬼

地祇之禮伯翳能議百物以佐舜者也解百物草木鳥

獸也議使各得其宜其後皆不失祀而未有興者也解

興謂爲侯伯也周衰其將至矣解至於伯也公曰謝西

之九州何如解謝宣王之舅申伯之國也今在南陽謝

西有九州二千五百家曰州何如問可居不疏至南陽

○後漢郡國志南陽郡宛縣本申伯國棘陽東北百里有謝城水經泚水注泚水又西南流謝水注之水出謝城北建武十三年封樊重少子丹爲謝陽侯王應麟詩地攷引輿地廣記謝故城在今唐州湖陽縣西北林氏

曰楚經營北方大抵用申息之師其君多居于申漢高祖踰宛攻武關張良謂強秦在前強宛在後此危道也楚與漢相持常出武關收兵宛葉間光武起南陽以宛首事申卽宛也武公欲据南北之重地故以謝西爲言

對曰其民沓貪而忍不可因也解沓黷也忍忍行不義

因就也惟謝邾之間解間謂邾南謝北虢卽在焉邾後

屬鄭鄭衰楚取之魯昭元年傳曰葬王於邾謂之邾放

是也疏解邾後至是也○昭元年傳杜注邾縣屬襄城

洛陽者異地其冢君侈驕解冢大也其民怠沓其君而未及

周德解怠慢也忠信爲周言民慢黷其君而未及於忠

信也若更君而周訓之是易取也解更更以君道導之

則易取也且可長用也解長用久處也公曰周其弊乎

解弊敗也對曰殆於必弊者**解**殆近也太誓曰民之所

欲天必從之**解**太誓周書言民惡幽王猶惡紂欲令之

亾天必從之也今王棄高明昭顯而好讒慝暗昧**解**王

幽王也高明昭顯謂明德之臣暗昧幽暝不見光明之

道也惡角犀豐盈而近頑童窮固**解**角犀謂顏角有伏

犀豐盈謂頰輔豐滿皆賢明之相也頑童童昏固陋也

謂皆暗昧窮陋不識德義者**疏**解角犀至德義○後漢

表鼎角匿犀章懷注鼎角者項角有骨如鼎足也匿犀

伏犀也謂骨當額上髮際隱起也輪案角指鼎角文選

王文憲集序李善注引論語撰考識曰顏回有角是也

犀指伏犀宏嗣謂顏角有伏犀是止釋犀而未釋角常

從范蔚宗之訓爲正漢書高帝紀顏注頰權頰易咸其

輔輔口旁也商書伊訓比頑童孔傳童稚頭踞親比之

僖二十四年傳心不則德義之經爲頑是頑有昏義漢書哀帝紀以董賢爲大司馬賢時年二十二是也固雅也者論語學則不固孔安國注固蔽也賈誼曰反去和雅爲陋少不諸事爲頑童不學無術爲窮固也

而取同

解

和謂可不以相濟同同欲也君子和而不同

夫和實生物同則不繼

解

陰陽和而萬物生同同氣也

以它平它謂之和

解

謂陰陽相生異味相和也故能豐

長而物生之

解

土氣和而物生之國家和而民附之若

以同裨同盡乃棄矣

解

裨益也同者謂若以水益水盡

乃棄之無所成也故先王以土與金木水火雜以成百

物

解

雜合也成百物謂若鑄冶煎亨之屬

疏

先王至百物

和之義也禮月令正義引皇侃之說金木水火得土而成以水數一得土數五故六也火數二得土數五爲成

數七木數三得土數五為成數八金數四得土數五為成數九先王法洪範而知五行之用竇統潤下炎上曲直從革稼穡而為功土吐也言土居中總吐萬物也以其包載四行含養萬物為萬物之主故金木水火必雜和乎土而是以和五味以調口剛四支以衛體剛彊後成也

也和六律以聰耳解聽和則聰也正七體以役心解役

營也七體七竅也目為心視耳為心聽口為心談鼻為

心芳也平八索以成人解平正也八索謂八體以應八

卦也謂乾為首坤為腹震為足巽為股離為目兌為口

坎為耳艮為手疏引賈逵曰八索至為手○昭十二年傳孔疏

賈逵曰素王之法孔子作春秋素王之法也又引張衡

曰八索周禮八議之刑索空空設之韋所以不從諸說

者內傳子革言若問遠焉遠指典墳邱索若周禮八議

之刑是本朝之令未可言遠賈言八王之法並不言八

王爲何世至於索爲素王之法子革對靈王在昭十二年孔子年方二十二歲未作春秋古者四十始仕子革倚相年長于孔子者倍安得讀孔子之書況史伯之對桓公在西周之時乎尚書孔安國序八卦之說謂之八索求其義也馬融曰八索八卦宏嗣此解實本孔馬之義孔穎達曰乾符在上故爲首坤能包藏含容故爲腹震動用故爲足巽爲順隨于足故巽爲股離南方主視故爲目兌爲說口所以說言故兌爲口坎北方主聽故爲耳艮爲止手持于物使不動故艮爲建九

紀以立純德解建立也純純一不尨駁也九紀九藏也

正藏五又有胃旁光腸膽也紀所以經紀性命立純德

也周禮曰九藏之動賈唐云九紀九功也疏解建立至

官禮疾醫九藏之動鄭注正藏五又有胃旁光大腸小

腸賈疏五藏肺心肝脾腎並氣之所藏故得正藏之稱

六府胃小腸大腸旁光膽三焦以其受盛故謂之府亦有藏稱故入九藏之數然六府取此四者按黃帝八十

一難經胃爲水穀之府小腸爲受盛之府大腸爲行道
之府有光爲津液之府氣之所生下氣象天故寫而不
實賁而不滿此其正府也故入九藏其餘贍者清淨之
府三焦爲孤府非正府故不入九藏也宏嗣合大小腸
爲一而以膽充其數其說與難經及周禮注異素問三
部九候論曰神藏五形藏四神藏卽正藏形藏指胸中
頭角口齒耳目而言非周禮之九藏也賈唐云九紀九
功也者文六年傳水火金木土穀謂之六府正德利用
厚生謂之三事六府三事謂之九合十數以訓百體

解

此所謂近取諸身遠取諸物賈唐云十數自王以下位

有十等王臣公公臣大夫大夫臣士士臣阜阜臣輿輿

臣隸隸臣僚僚臣僕僕臣臺百體百官各有體屬也合

此十數之名以訓導百官之體也

疏

解十數至之體○
昭七年傳孔疏王

臣公者謂上以下爲臣文同而意異也公者五等諸侯
之總名環齊要畧云自營爲八八爲公言正無私也

大夫者夫之言扶也大能扶成人也說文解字引孔子曰推十合一爲士孔疏又言士者事也言能理庶事也史記魯鄒列傳索隱引韋昭云阜養馬之官下士也養馬之官其衣阜也又郭璞云阜養馬之器孔疏又引服虔云阜造也造成事也與衆也佐阜舉衆事也隸隸屬於吏也僚勞也共勞事也僕僕豎主藏者也臺給臺下徵召也此釋出千品具萬方解百官官有微品十於王十數之義

謂之千品五物之官陪屬萬位謂之萬方方道也計億

事材兆物收經入行姦極解計算也材裁也賈唐說皆

以萬萬爲億鄭後司農云十萬曰億十億曰兆從古數

也經帛也姦備也數極于姦萬萬曰姦自十等至于品

萬方轉相生故有億事兆物王收其常入舉九姦之數

也疏億解計算至之數○詩伐檀豐年毛傳並云萬萬曰

億伐檀楚茨鄭箋並云十萬曰億是賈唐用毛義

言之用故今九章算術皆以萬萬爲億今數然也倘以時事
言故以古數言之知古億十萬者以田方百里者于今
數爲九百畝是億爲十萬也徐岳數術記遺言黃帝
法有十數中下也下數十變之若十萬曰億十億曰兆
三兆十兆曰京也中數萬變之若十萬曰億十億曰兆
兆十兆曰京也甄鸞曰毛注中數也鄭注下數也上數宏
廓世不能古人高樸則用下數至秦漢以後始用中
數也經常也者漢書食貨志自天子至秦漢以後始用中
皆各爲私奉養不領於天子之經費顏師古注經常也
京解似本班義李治敬齋古今註謂經師古注經常也
按漢書司馬相如今封禪書服虔注李治又謂核核
與章異並采其故王者居九咳之田收經入以食兆民
說以俟審定

民王取經入焉以食萬官周訓而能用之和樂如一
解

忠信爲周訓教也言以忠信教道之其民和樂如一室

也夫如是和之至也解至極也於是乎先王聘后於異

姓解同則不繼求財於有方解使各以其方賄來方之

所無則不貢也擇臣取諫工而講以多物務和同也解

工官也講校也多衆也物事也聲一無聽解五聲雜然

後可聽也物一無文解五色雜然後成文也味一無果

解五味合然後可食果美也物一不講解講論校也王

將棄是類而與剽同解類猶和也疏王將至剽同荀

刺與專同漢書蕭何傳上天奪之明欲無弊得乎夫號

石父讒諂巧從之人也而立以爲卿士與剽同也解石

父號君之名也巧從巧於媚從也棄聘后而立內妾好

窮固也

解

聘后申后內妾褒姒侏儒戚施實御在側近

頑童也

解

侏儒戚施皆優笑之人御侍也周法不昭而

婦言是行用讒慝也不建立卿士而妖試幸措行暗昧

也

解

試用也措置也不建立有德以爲卿士而妖嬖之

臣用之於位佞幸之人置之於側也是物也不可以久

且宣王之時有童謠

解

宣王幽王之父

疏

宣王至童謠

志宣王立童女謠曰

解

堯箕服實亡周國顏師古曰女

童謠闕里之童女爲歌謠也僖五年傳杜注童亂之子

未或念慮之感而會成嬉戲之言似若有焉者其言或
中或否博覽之士能懼思之人兼而志之以爲將來之
驗有益曰堯弧箕服實亡周國

解

山桑曰堯弧弓也箕

于世教

木名服矢房也

疏解山桑至矢房○漢書五行志壓弧

妖也服虔曰壓桑也顏師古曰壓山桑之有文點射

也木弓曰弧服盛箭者卽今之步叉也箕艸似荻而細

織之爲服也案矢服佩於要間小雅言魚服荀子議兵

篇負服矢五十箇若以木爲之則屈申旋轉皆礙宏嗣

以箕爲木名不知所據何書班氏所見之國語從於是

艸從其而韋注從竹從其則此字譌于漢末也

宣王聞之有夫婦鬻是器者解鬻賣也王使執而戮之

解戮之于路府之小妾生女而非王子也懼而棄之解

府王內之府藏也此人也收以奔襲解此人賣弧服者

收取也襲人有獄而以爲入解襲人襲君始也獄罪也

入進之於王天之命此久矣其又可爲乎解爲治也訓

語有之解訓語周書曰夏之衰也襲人之神化爲二龍

以同於王庭解喪人喪君共處曰同而言曰余喪之二

君也解二先君也疏而言至二君○周本紀集解引夏

后氏卜殺之與去之與止之莫吉解止畱也卜請其祭

而藏之吉解祭龍所吐沫龍之精氣也疏○卜請至之吉

志祭血也應劭曰祭沫也鄭氏曰祭音牛齡之齡案章解與應氏同義乃布幣焉而策告

之解布陳也幣玉帛也陳其玉帛以簡策之書告龍而

請其祭疏布幣至告之○漢書五行志顏注奠幣爲禮

矣龍亡而祭在槽而藏之解槽櫃也傳郊之解傳祭於

郊及殷周莫之發也及厲王之末發而觀之解末末年

不彘之歲也疏及厲至觀之○周本紀集解引虞翻國

語注末年王流彘之歲是章川虞注也

滌流於庭不可除也解言流於庭前謂取而發之也王

使婦人不幃而譟之解裳正幅曰幃譟謹呼也疏王使

之○文選嵇康送秀才入軍詩李善注方言曰袿謂之

下狹如刀圭也是禕指衣言非指裳言故史記及漢書

皆言贏而譟之周本紀集解引唐固國語注羣呼曰譟

應劭注同化玄龍以入於王府解龍或爲虺虺蜥蜴

也象龍疏龍或至象龍○漢書五行志引韋昭曰元

乃顏師古注漢書五行志謂龍似鼈而大非蛇及蜥蜴

此据三蒼解詁似龍而大立義爾雅翼龍鳴則龍

者歸或至一丈龍爲介龜之元以龍爲雌龜鳴則龍

應則龍爲水族安得入於王府乎故周本紀索隱亦主

蜥蜴之說漢書東方朔傳上置守宮孟蛇又有足跛履

皆不中朔曰臣以爲龍又無角謂之爲蛇又有足跛履

脈脈善緣壁是非守宮卽蜥蜴故宏嗣以蜥蜴爲象龍

爾雅釋魚鱉是蜥蜴亦作蜥說文鱉以注鳴

者則元龜當
作元玃與

府之童妾未既亂而遭之

解既盡也遭遇

也毀齒曰亂未盡亂毀未畢也女七歲而毀齒既笄而

孕

解孕任身也女十五而笄當宣王而生

解厲王不彘

共和十四年死十五年宣王立立四十六年幽王在位

十一年而滅

疏

當宣王而生○詩正月孔疏帝王世紀以爲幽王三年嬖褒姒褒姒年十四若

然則宣王立四十六年崩是先幽王之立十一年而生

其生在宣王三十六年也厲王流彘之歲爲共和十四

年而後宣王立自宣王三十六年上距流彘之歲爲五

十年流彘時童妾七歲則生女時母年五十六凡在母

腹五十年其母共和九年而笄年十五而孕自

孕後尙四十二年而生作爲妖異不與人同

不夫而**育解**育生也故懼而棄之爲孤服者方戮在路夫婦哀

其夜號也而取之以逸逃於褒

解逸亾也

疏逃於褒○王伯厚詩

地考輿地廣記興元府褒城縣故褒國漢置褒中縣括
地志褒國故城在縣東二百步水經注褒水又東南歷
褒口卽褒谷之南口也北口曰褒斜水又南經褒人褒
褒縣故城東褒中縣也本褒國又南流入于漢褒人褒
姁有獄而以爲入於王解褒姁褒君也王遂置之解置
赦褒姁而嬖是女也使至於爲后而生伯服解以邪僻
取愛曰嬖使至有漸之言也天之生此久矣其爲毒也
大矣將俟淫德而加之焉解加遺也遺以褒姁也毒之
胥腊者其殺也滋速解精孰爲胥腊極也滋益也申緡
西戎方強解申姜姓幽王前后太子宜咎之舅也緡姁
姓中之與國也西戎亦黨於申周衰故戎翟強也王室
方騷解騷擾也將以縱欲不亦難乎王欲殺太子以成

伯服必求之申解太子將奔申申人弗畀必伐之解畀與

也若伐申而繒與西戎會與伐周周不守矣解言幽王

無道無與共守者繒與西戎方將德申解申修德于二

國二國亦欲助正微其後福申呂方彊解呂申同姓其

隩愛太子亦必可知也解隩隱也王師若在解在在中

也其救之亦必然矣王心怒矣虢公從矣解言石父亦

從王而怒凡周存亾不三稔矣解稔年也君若欲避其

難速規所矣時至而求用恐無及也解時難也川備也

公曰若周衰諸姬其孰興對曰臣聞之武賁昭文之功

解武武王文文王也文之詐盡武其嗣乎解文王子孫

魯衛是也。胙盡謂衰也。嗣繼也。武王子孫當繼之而興。武王之子應韓不在。解三君云不在時已亾也。昭謂若已亾無宜說也。近宣王時命韓侯爲侯伯，其後爲晉所滅，以爲邑，以賜桓叔之子萬，是爲韓萬。則其亾平王時也。應則存焉。上史伯云南有應，邠是也。不在言不在應。韓當在晉也。其在晉乎？距險而鄰於小。解距險距守之地險也。小小國謂虞虢，霍揚韓魏芮之屬。若加之以德，可以大啓。解國旣險固，若增之以德，可以大開土。字後魯閔元年晉滅魏，霍僖五年滅虞，虢也。公曰：姜嬴其孰興？對曰：夫國大而有德者，近興。秦仲、齊侯、姜嬴之備也。

且大其將興乎解秦仲嬴姓附庸秦公伯之子爲宣王

大夫詩序云秦仲始大齊侯齊莊公姜姓之有德者此

二入爲姜嬴之僞且國大故近興也疏秦仲至近興

生大業大業生大費是爲伯翳舜賜姓嬴氏大費生大

廉大廉元孫曰孟戲中衍其元孫曰中湫生蜚廉蜚廉

生惡來蚤死有子曰防女防生剌舉於汧渭之間

馬大蕃孝王分土爲附庸邑之秦號曰秦嬴秦嬴生秦

侯秦侯生公伯公伯生秦仲秦仲立三年厲王無道西

戎反王室宣王卽位乃以秦仲爲大夫誅西戎秦仲立

二十三年死於戎齊世家太公卒子丁公呂伋立丁公

卒子乙公得立乙公卒子癸公慈母立癸公卒子哀公

不辰立周烹哀公立其弟靜爲胡公哀公母弟山殺胡

公自立是爲獻公獻公卒子武公壽立武公卒子厲公

無忌立齊人殺厲公立厲公子赤爲文公文公卒子成

公脫立成公卒子莊公購立莊公二十二年大戎殺幽

王厲東徙雒昭十年傅伯瑕曰以其中僞也杜注訓僞

爲異千人曰俊
有異于衆也

公說乃東寄孥與賄虢郟受之十邑皆

有寄地

解十邑謂虢郟蔽補丹依昧歷華也後桓公

之子武公竟取十邑之地而居之今河南新鄭是也賈

侍中云寄地猶寄止也

疏十邑皆有寄地○韓非子內

郟之豪桀良臣辨智果敢之士盡與其名姓揮郟之良
田賂之爲官爵之名而書之因爲設壇場郭門之外而
埋之瘞之以雞豕若盟狀郟君以爲內難也而盡幽王
殺其良臣桓公襲郟遂取之此說寄地時之事也

八年而桓公爲司徒

解卽位八年九年而王室始騷

騷謂適庶交爭亂虐滋甚也十一年而斃解幽王伐申

申緄召西戎以伐周殺幽王於麗山戲下水桓公死之

及平王末而秦晉齊楚代興

解代更也平王卽位五十

一年秦景襄於是乎取周土解景當爲莊莊公秦仲之
子襄公之父取周土謂莊公有功于周周賜之土也及
平王東遷襄公佐之故得西周豐鎬之地始命爲諸侯
三君皆云秦景公宣王季年伐西戎破之遂有其地昭
謂幽王爲西戎所殺故史伯云申緡西戎方強至平王
時秦襄公猶征伐之故詩序云襄公備其兵甲以討西
戎西戎方強而征伐不休是也又景公乃襄公十世之

孫而云宣王時破之遂有其地誤矣

疏解景當至誤矣

王無道西戎反王室滅夫邱大駱之族周宣王以秦仲
爲大夫誅西戎西戎殺秦仲秦仲有子五人其長者曰
莊公宣王乃召莊公昆弟五人與兵七千人使伐西戎
破之莊公立四十四年卒太子襄公代立七年西戎犬

戎與申侯伐周殺幽王酈山下而秦襄公將兵救周戰甚力有功周避犬戎難東遷維襄公以兵送周平王王封襄公爲諸侯賜之岐以西之地襄公於是始國故知景當爲莊也秦本紀又言襄公生文公文公生緡公緡公生衛公衛公生康公康公生共公公生桓公桓公生景公故云景公襄晉文侯於是平定天子解文侯文侯公十世之孫也

仇也定謂迎平王定於維邑

疏

解文侯至維邑○晉世家唐叔子變是爲晉侯

晉侯子衛族是爲武侯武侯子服人是爲成侯成侯子福是爲昭侯昭侯子宜白是爲靖侯靖侯卒子釐侯司徒立僖侯卒子獻侯籒立獻侯卒子穆侯費王立穆侯七年伐條生太子仇穆侯卒子穆侯費王立穆侯子仇率其徒襲殤叔而立是爲文侯文侯十年犬戎弑幽王周東徙定天子事詳尙書文侯之命及史記周本紀齊莊僖於是平小伯**解**莊齊太公後十二世莊公購也僖莊公之子祿父也小伯小主諸侯盟會**疏**解莊齊至盟會

○齊世家自太公丁公乙公癸公哀公胡公獻公武公
厲公文公成公至莊公爲十二君而哀公胡獻三公爲兄
弟則莊實太公之九世孫也莊公六十四年卒子釐公
祿父立隱八年經宋公齊侯衛侯盟于瓦屋穀梁傳曰
諸侯之參盟于是始有參盟則必有主盟主盟卽伯之
端齊平宋衛二國則齊爲主盟故孔疏引鄭語小伯以
釋瓦屋然是時僖公卽位已十六年況莊又爲僖父在
位六十四年之久則小伯之事或有見于瓦屋之前者
未必專指瓦

屋一事也 楚蚡冒於是平始啓濮 解蚡冒楚季紉之

孫若敖之子熊率濮南蠻之國叔熊避難處也疏

解至

難處○楚世家熊率至熊徇十一君上文已解訖熊徇
卒子熊罈立罈卒子熊儀立是爲若敖若敖二十年周
幽王爲犬戎所弑周東徙若敖卒子熊坎立是爲霄敖
霄敖卒子熊胸立是爲蚡冒是蚡冒若敖之孫非子也
且蚡冒名胸不名率也宏嗣所引史記違矣濮上文
已解訖啓是拓土魯頌曰大啓爾宇僖二十五年傳晉
于解訖啓是拓土魯頌曰大啓爾宇僖二十五年傳晉
南陽是也

國語正義卷第十六終

國語正義卷第十七

歸安董增齡撰集

楚語上

莊王使士亶傅太子歲解莊王楚成王之孫穆王之子

旅也士亶楚大夫歲恭王名辭曰臣不材無能益焉王

曰賴子之善善之也解賴恃也對曰夫善在太子太子

欲善善人將至若不欲善善則不用故堯有丹朱解朱

堯子封于丹疏解朱堯至于丹漢書律歷志封堯子

王紀堯娶散宜氏女曰女皇生丹朱汲冢紀年後稷放

帝子丹朱范注荆州記云丹水縣在丹川堯子朱之所

封括地志云丹朱故城在鄧州內鄉縣西南百舜有商

三十里丹朱故縣案今內鄉縣隸南陽府

均解均舜子封於商疏解均舜至於商○五帝本紀集

生商均正義引譙周云以虞封舜子今宋州虞城縣括

地志云虞國舜後所封邑或曰封舜于商故號商均案

舜既以商封契安得又以封均虞城在啓有五觀解啓

漢志屬梁國今虞城縣隸河南歸德府

禹子也五觀啓子太康昆弟也觀洛汭之地書序曰太

康失國兄弟五人須于洛汭傳曰夏有觀扈疏解啓禹

○水經巨洋水注引群瓊漢書集注云尚書序太康失

國兄弟五人衛于洛汭此即太康之居爲近洛也余考

瓊所據今衛國有觀土五觀益其名也所處之邑其名

爲觀史記魏世家正義觀音館魏州觀城縣古觀國

語云觀國夏啓子太康弟五弟之所封也夏衰滅之矣

其文與士匱語異始逸文與昭元年傳杜注觀國今頓

邱衛縣孔疏此傳所云四代有罪之國三苗有扈徐奄

以五觀當太康之弟五人已先不信章氏之說矣王應

麟又曰漢東郡有畔觀縣書序曰太康失國兄弟五人

須下洛納思謂五子述大禹之戒以作歌仁義之人其
言謫如豈朱均管蔡之比韋氏說非也齡案周書嘗與
篇其在殷鑒作之五子忘伯禹之命假國無正用胥與
作亂遂囚厥嗣皇天哀禹賜以彭壽思正夏畧竹書紀
年帝啓十一年放王子武觀于西河十五年武觀卽五
西河畔彭伯壽帥師征西河武觀來歸注曰武觀卽五
觀也離騷啓九辨與九歌兮夏康娛以自縱不願難以
圖後兮五子用失乎家巷漢書人表啓子兄弟五人號五
五觀列下中夏本紀索隱引皇甫謐曰太康兄弟號五
觀水經淇水注亦言太康弟五君之名號五觀其說皆
與韋合則韋解確本漢儒之義未可輕議也觀城縣今
隸山東曹州府古觀國城在縣西後漢郡國志雒出王
城南至相谷西東北流去虎牢城四十里注河口謂之
洛納則觀與洛納爲兩地矣淮南齊俗訓高注有扈氏
夏啓之庶兄也漢地理志扶風縣古扈國有戶亭訓
纂云扈戶鄠三字一也古今字不同耳今鄠縣隸陝西
西安湯有大甲解大甲湯孫大丁之子不遵湯法伊尹
不能正放之於桐文王有管蔡解管蔡文王子周公兄

也

疏

解管蔡至公兄○詩思齊疏引臯甫謚曰文王取

叔武次霍叔處次周公旦次曹叔振鐸次康叔封次

叔季載孔穎達謂不知謚何据史記管蔡世家武王同

母兄弟十人母曰太妣文王正妃其長子伯邑考次武

王發次管叔鮮次周公旦次蔡叔度次曹叔振鐸次

叔武次霍叔處次康叔封次卹季載齡案定四年孔疏

云僖二十四年傳富辰言文之昭十六國蔡在魯上明

以長幼爲次賈逵等皆言蔡叔周公是五王者皆元德

兄故杜從之則章此解亦從賈義也

也而有姦子夫豈不欲其善不能故也若民煩可教訓

解煩亂也蠻夷戎翟其不賓也久矣**解**賓服也中國所

不能用也王卒使傅之間於申叔時**解**叔時楚賢大夫

申公也叔時曰教之春秋而爲之聳善而抑惡焉以戒

勸其心**解**以天時紀人事謂之春秋聳獎也抑貶也**疏**

解以天至春秋○王應麟曰春秋所謂楚之檣、杙也

教之世而為之昭明德而廢

幽昏焉解世先王之世繫也昭顯也幽闇也昏亂也為

之陳有明德世顯而闇亂者世廢也疏解世先王之世繫○荀子禮論

篇注繫世謂書其傳襲若今之譜牒也以休懼其動解休嘉也動行也使

之嘉顯而懼廢也教之詩而為之道廣顯德以耀明其

志解道明也顯德謂若成湯文武周召僖公之屬詩所

美者教之禮使知上下之則解則法也教之樂以疏其

穢而鎮其浮解疏滌也樂者所以移風易俗盪滌人之

邪穢也鎮重也浮輕也教之令使訪物官解令先王之

官法時令也訪議也物事也使議知百官之事業教之

語使明其德而知先王之務用明德於民也解語治國

之善語教之故志使知廢興者而戒懼焉解故志謂所

記前世成敗之書教之訓典使知族類行比義焉解訓

典五帝之書也族類謂若愷敘九族比義義之與比也

若是而不從解不見從也動而不悛解悛改也則文詠

物以行之解文文詞也詠風也謂以文詞風託事物以

動行之求賢良以翼之解翼輔也悛而不攝則身勤之

解攝固也勤勤身以勗勉也多訓典刑以納之解刑法

也務愷愷篤以固之攝而不徹解徹通也則明施舍以

道之忠解施已所欲原心舍過謂之忠恕明久長以道

之信解有信然後可長久明度量以道之義解義宜也

言度量所宜也明等級以道之禮解等級貴賤之品明

恭儉以道之孝解恭儉所以事親明敬戒以道之事解

敬戒於事則無敗功明慈愛以道之仁明昭利以道之

文解昭明也明利言利人及物明除害以道之武解除

害去暴亂也明精意以道之罰解明盡精意斷之以情

明正德以道之賞解正德謂不私所愛也明齊肅以耀

之臨解齊壹也肅敬也耀明也臨臨事也若是而不濟

不可爲也解濟成也爲爲師傅也且夫誦詩以輔相之

威儀以先後之體貌以左右之明行以宣翼之解宣徧

也制節義以動行之恭敬以臨監之勤勉以勸之孝順以納之忠信以發之德音以揚之教備而不從者非人也其可興乎解興猶成也夫子踐位則退解夫子太子也退謙退也自退則敬解自退則見敬也不則報解報懼也不自退則恆憂懼

恭王有疾解恭王太子歲也疾在魯襄十三年召大夫曰不穀不德失先君之業解業伯業也覆楚國之師不穀之罪也解覆敗也謂鄢陵之戰爲晉所敗若得保其首領以沒解保首領免刑誅也唯是春秋所以從先君者請爲靈若厲解亂而不損曰靈殺戮不辜曰厲言春

秋禘祫當以主諡序昭穆從先君子廟堂也大夫許諾

王卒及葬子囊議諡

解

子囊恭王弟令尹公子貞

疏

子囊

議諡○曲禮言諡曰類鄭注使大夫行象聘問之禮孔疏言將葬就君請諡也凡諡既是表德故由尊者所裁當未葬之前親使人請之于天子楚以僭王猶夏不通中國故不知請諡之典君生而自議其諡臣卽以卑而合典章也大夫曰君王有命矣子囊曰不可夫事君者

先其善不從其過

解

先其善先舉君之善事以爲稱不

從其過行也赫赫楚國而君臨之**解**赫赫顯盛也撫征

南海訓及諸夏其寵大矣

解

撫安也征正也南海羣蠻

也訓教也寵榮也教及諸夏謂主盟會頒號令也**疏**

解南

海羣蠻○禹貢導黑水至于三危入于南海水經葉榆河過交趾堯洽縣北分爲五水絡交趾郡中至南界復

合爲三水東入海此卽禹貢之南海故鄭注引尚書大傳堯南撫交趾於禹貢荊州之南垂幽荒之外故越也周禮南入蠻彫題交趾有不粒食者焉秦始皇開越嶺南立蒼梧南海交趾象郡此所謂南海之羣蠻也有是寵也而知其過可不謂恭乎解諡法旣過能改曰恭

若先君善

解

先其善事則請爲恭大夫從之

屈到嗜芰

解

屈到楚卿屈蕩子子夕也芰菱也

疏

解芰

爾疋釋艸菱蕨據郭注今水中芰天官籩人鄭注菱芰也賈疏卽菱角也蘇頌本少注云菱處處有之葉浮水上花黃白色花落而實生漸向水中乃熟一種四角一種兩角兩角中有嫩皮而紫色者謂之浮菱有疾

召其宗老而屬之

解

家臣曰老宗老爲宗人者曰祭我

必以芰及祥

解

祥祭也宗老將薦芰屈建命去之解建

屈到之子子木也宗老曰夫子屬之

解

夫子屈到也子

木曰不然夫子承楚國之政解承奉也其法在刑民心

而藏在王府上之可以比先王下之可以訓後世雖微楚

國諸侯莫不饗解微無也雖使無楚國之稱諸侯猶皆

饗之以爲善也其祭典有之曰國君有牛羊解諸侯以

太牢也大夫有羊饋解羊饋少牢也疏解羊饋少牢○

司馬判羊又云司馬升羊右胖體脾不升肩臂臑膊食

正脊一脰脊一橫脊一短脅一正脅一代脅一皆二骨

以並腸三胃三舉肺一祭肺三豨于一鼎佐食遷胾不

于阼階西縮乃反佐食二人上利升羊載右胖脾不

升肩臂臑膊骨以並腸三胃三長皆及俎拒舉肺一長

代脅一皆二骨以並腸三胃三長皆及俎拒舉肺一長

終肺祭肺三皆切肩臑膊脰在兩端脊脅肩肺在上佐

食尚利執羊俎下利執豕俎司士三人執魚腊膚俎序

北魚在羊東腊在豕東特膚當俎北端其士有豚犬之

奠解士以特牲庶人有魚炙之薦解庶人祀以魚籩豆

脯醢則上下共之解共之以多少爲差也不羞珍異不

陳庶侈解羞進也庶猶衆也侈猶多也夫子不以其私

欲干國之典遂不用解干犯也疏夫子至不用○天官

八籩天子之祭禮也特牲兩籩棗燕棗擇有司徹則體

黃白黑棗糗而已不間有菱芡唯王者大饗得備四海

九州之美味故珍異庶侈皆羞而陳焉大夫

而薦芡是僭用天子之禮也故曰干國之典

湫舉娶於申公子牟解湫舉楚大夫伍參之子伍奢之

父伍舉也子牟申公王子牟也子牟有舉而亡解亡奔

也康王以湫舉爲遣之解康王恭王之子康王昭也湫

舉奔鄭將遂奔晉解鄭小而近故欲奔晉蔡聲子將如

晉解蔡聲子蔡公孫歸生子家也唐云楚滅蔡蔡聲子

爲楚大夫昭謂蔡時尙存聲子通使于晉楚耳在魯襄

二十六年遇之於鄭郊饗之以璧解饗食也璧侑以

璧侑食也疏十八年傳王饗禮命晉侯侑侑古通右詩

形弓一朝夕之毛傳右勸也曰子尙良食解尙猶強也良善也二先

子其皆相子解相助也二先子謂湫舉之父伍參聲子

之父子朝也傳曰楚伍參與蔡太師子朝友其子伍舉

與聲子相善尙能事晉君以爲諸侯主解主盟主也辭

曰非所願也若得歸骨於楚死且不朽解自謂不朽聲

子曰尙良食吾歸子解使子得歸湫舉降三拜解拜善

言也納其乘馬聲子受之解四馬曰乘受而不辭定其

心也

疏

解四馬曰乘。○四馬曰乘宗詩毛傳義後漢與服志古文尙書曰溲平若朽索之馭六馬速禮

王度記

曰天子駕六馬諸侯駕四大夫三士二庶人一

毛詩箋

天子至大夫同駕四士駕二易京氏春秋公羊

說皆云

天子駕六許慎以爲天子駕六諸侯及卿駕四

大夫駕三

士駕二庶人駕一史記秦始皇以水數制乘

六馬鄭康成謂

天子四馬周禮校人乘馬有四圉各養

一馬諸侯亦四馬顧命諸侯皆獻乘黃朱亦四馬也由

鄭說推之則聲子大夫還見合尹子木解子木屈建也

亦當四馬故引以爲訓

傳曰聲子通使於晉還如楚子木與之語曰子雖兄弟

於晉然蔡吾甥也解晉蔡同姓謂吾舅者吾謂之甥二

國孰賢對曰晉卿不若楚解順說之辭也時趙武爲晉

正卿不及子木之忠然而有德其大夫則賢解賢於楚

大夫也其大夫皆卿才也若杞梓皮革焉楚實遺之解

杞梓良材也皮革犀兕也疏杞梓至犀兕○爾雅釋

五以杞包瓜小雅集於苞杞陸璣疏云一名苦杞一名

地骨其莖似莓子秋熟正赤釋木又云椅梓考工記鄭

注梓榎屬榎卽楸也齊民要術云楸梓二木相類白色

有角生子者爲梓或名子楸或名角楸黃色無子者爲

柳楸亦呼荆黃楸也僖十四年傳皮之不存毛將安傅

考工記鮑人之事注鮑故書或作鞞賈疏鮑乃從魚此

官治皮宜从革是連毛未治者爲皮刮毛已治者爲革也雖楚有才不能用也子木

曰彼有公族甥舅若之何其遺之材也對曰昔令尹子元之難解子元楚武王子文王弟子善也欲盡文夫人

遂處王宮鬪班殺之在魯莊二十八年及三十年或譖

王孫啓於成王解啓子元子也成王文王子也或譖啓

與父同舉王弗是解是理也王孫啓奔晉晉人用之及

城濮之役晉將遁矣解晉楚戰於城濮在魯僖二十八

年遁逃退也王孫啓與於軍事謂先軫解先軫晉中軍

帥曰是師也唯子玉欲之解子玉楚令尹得臣也與王

心違解王不欲戰子玉固請王怒少與之師故唯東宮

與西廣實來解東宮西廣楚軍營名疏解東宮至營名

傳孔疏文元年商臣以宮甲圍成王是東宮兵也宣十

二年傳欒武子說楚事云其君之戎分爲二廣廣有一

卒卒偏之兩是楚有左右廣也周禮車僕掌廣車之萃

鄭注廣車橫陳之車襲十一年鄭人賂晉侯以廣車蓋

兵車之名名之爲廣因卽以諸侯之從者畔者半矣解

車表兵謂屬西廣之兵也

畔舍子玉也若敖氏離矣解若敖氏子玉同族離謂不

欲戰也楚師必敗何故去之先軫從之大敗楚師則王

孫啓之爲也昔莊王方弱解方弱未二十也申公子儀

父爲師解儀父申公鬬班之子大司馬鬬克也王子變

爲傅解變楚公子使師崇子孔帥師以伐舒解師崇楚

太師潘崇也子孔楚令尹成嘉也舒羣舒也疏舒舒羣

十二年傳杜注羣舒偃姓舒庸舒鳩之屬廬江南有舒

城西南有龍舒今安徽廬州府舒城廬江二縣之境皆

羣舒地也變及儀父施二帥而分其室解施皋於二帥二帥

潘崇子孔也室家資也師還至則以王如廬解師子孔

潘崇之師也二子懼故以王如廬廬楚邑也傳曰初鬬

克囚於秦秦有殺之敗使歸求成成而不得志公子變

求令尹不得故作亂城郢而使賊殺子孔弗克而還疏

解廬楚邑○廬卽中廬故城在今湖北襄陽府南漳縣東五十里

廬戢黎殺二子而復

王解戢黎廬大夫也二子變及儀父也或譖析公臣於

王解析公臣楚大夫也或譖之言與知二子之亂疏

析解

公至大夫○楚邑尹皆曰公則臣卽析尹儋二十五年傳杜注析楚邑一名白羽今河南南陽府浙川縣及內鄉縣之西北王弗是析公奔晉晉人用之實讒敗楚使

不規東夏則析公之爲也解規有也東夏蔡沈也傳曰

繞角之役晉將遁矣析公曰楚師輕窳易震蕩也若多鼓鈞聲以夜軍之楚師必遁晉人從之楚師宵潰晉遂侵蔡襲沈獲其君鄭于是不敢南面楚失諸華繞角之

役在魯成六年

疏

解繞角之役。○成六年傳杜注鄭地杜氏通典汝州魯山縣東南有繞角

城

昔離子之父兄譖離子於恭王

解

離子楚大夫父兄

同宗之父兄也王弗是離子奔晉晉人用之及鄆之役

晉將遁矣

解

鄆鄆陵也在魯成十六年離子與於軍事

疏

離子與於軍事。○襄二十六年傳以鄆陵敗楚之謀

非左邱明作此說非也檢成十六年傳塞井夷竈二語

屬之士句襄二十六年傳又屬之苗賁皇一書而互異

孔疏引鄭衆云此范句言之苗賁皇亦言之則離子奔

晉晉人既與之鄙以爲謀主安知非苗賁皇言之離子

亦言之乎疏引又謂左氏傳聞兩說兩記謂欒書曰楚

師可料也

解

欒書晉正卿料數也在中軍王族而已

解

夾公車時二子將中軍中軍非二子之親也

疏解唐云至之親

○成十六年孔疏引劉炫曰族也者屬也非謂公族之兵是劉說從韋義也

若易中下楚必

歆之

解

中下中軍之下也歆猶貪也易欒范之行示之

弱以誘楚也傳曰欒范易行以誘之鄭司農以爲易行

中軍與上下軍易卒伍也中軍之卒良故易之

疏解中下至

易之○成十六年傳孔疏引賈逵左傳注行道也欒爲

將范爲佐二人分中軍別將之欲使欒與范易道今范

先誘楚欒以良卒從而擊之賈雖與鄭稍異然皆讀爲

改易之易杜注欒書時將中軍范變佐之易行謂簡易

兵備欲令楚貪已不復顧二穆之兵杜讀爲簡易之易

按傳文伯州犂以公卒告王且欒范之強著于列國贏

師誘敵其誰信之則杜說非也中軍與上軍下軍各有

部曲將卒相附繫屬久矣無容臨戰而改易且聲子言

欒范易行則總在中軍之事不言卻錡韓厥與欒范易

行也則司農說亦未盡善也宋公序國語補音易字無

音則當讀亦而不讀異宏嗣
此注深合內傳賈注之義
若合而函吾中解合合戰

也函入也中中軍也吾上下必敗其左右解晉上下軍

必敗楚之左右軍也則三萃以攻其王族必大敗之解

萃集也時晉有四軍言三集者中軍先入而上下及新

軍乃三集以攻之疏吾乃四萃以攻之○襄二十六年傳

面集攻之此國語言三萃檢成十六年傳請分良以擊

其左右而三軍萃于王萃蓋是時荀營佐下軍而居守

是下軍佐所統之卒不出也御至佐新軍而無帥則將

新軍者所統之衆而不出也何以知一軍必將佐分領

其半宜十二年傳僨子以中軍濟荀林父將中軍者不

濟則中軍僅濟其半鄆陵之役晉止有三軍古一二三
四皆積畫而成襄二十六年內傳誤以三作四故杜注
亦但言四面合攻不言四軍宏嗣言晉時有四軍未免
依襄二十六年傳樂書從之大敗楚師王親面傷則雖
四萃望文生義也

子之爲也

解

王楚恭王也面傷謂呂錡射其目

疏

面傷

○淮南汜論訓楚恭王戰於陰陵潘厓養由基黃衰微公孫丙相與募之恭王懼而失體黃衰微舉足蹙其體恭王乃覺怒其失禮奮體而起四大夫載而行高注恭王與晉厲戰于陰陵呂錡射恭王中目因而擒之按內傳不言擒恭王之

昔陳公子夏爲御叔取於鄭穆公

解

公子夏陳宣公之子御叔之父也爲御叔取鄭穆少妃

姚子之女夏姬也生子南子南之母亂陳而亡之

解

南夏徵舒之字也御叔蚤死陳靈公與孔甯儀行父淫

夏姬徵舒殺靈公楚莊王以諸侯討之而滅陳

疏

解于

之字○錢大昕曰舒在南故字子南輪案魯頌荆舒是懲史記魯世家作荆荼是徵荼古舒字則徵舒之徵音義並當

使子南戮於諸侯

解

言爲諸侯所戮在魯宣十

一年莊王旣以夏氏之室賜申公巫臣則又弭之子反

卒于襄老解界子也巫臣楚申公屈巫子靈也子反司

馬公子側也襄老楚連尹也初莊王欲納夏姬巫臣諫

王曰不可君召諸侯以討皐也今納夏姬貪其色也貪

色爲淫淫爲大罰王乃止將以賜巫臣則又與子反子

反欲取之巫臣又難之卒以與襄老疏解巫臣至子靈

逸楚辭注楚人謂巫曰襄老獲於邲二子爭之未有成

靈子故巫臣字子靈解晉楚戰於邲在魯宣十二年晉知莊子射襄老獲之

以其口歸二子子反巫臣也爭爭夏姬成定也恭王使

巫臣聘於齊以夏姬行解巫臣導夏姬使歸託以求襄

老之尸恭王遣焉巫臣聘諸鄭鄭伯許之及使適齊至
鄭遂以夏姬行遂奔晉晉人用之實通吳晉使其子狐
庸爲行人於吳解子反殺巫臣之族巫臣在晉請使于
吳吳子壽夢說之乃通吳於晉使其子爲吳行人而教
之射御道之伐楚至於爲患則申公巫臣之爲也今湫
舉取於王子牟子牟得臯而亡執政弗是解執政卿也
謂湫舉曰女實遣之彼懼而奔鄭緬然引領南望解緬
猶逸也領頸也曰庶幾赦吾臯又弗圖也乃遂奔晉晉
人又用之矣彼若謀楚其亦必有豐敗也哉解豐大也
子木愀然解愀愁貌曰夫子何如召之其來乎對曰亡

人得生又何不來爲子木曰不來則若之何對曰夫子

不居矣解不居言當奉命於它國春秋相事以還軫於

諸侯解軫車後橫木也言四時相聘問之事回車於諸

侯也若資東陽之盜使殺之其可乎解資賂也東陽楚

北邑疏解東陽楚北邑○襄二十三年傳趙勝帥東陽

經清水注引馬季長曰晉地自朝歌以北至中山爲東陽則東陽爲晉地有明徵矣不然不來矣

子木曰不可我爲楚卿而賂盜以賊一夫於晉非義也

子爲我召之吾倍其室解倍其室益其家也乃使湫鳴

召其父而復之

靈王爲章華之臺解靈王楚恭王之庶子靈王熊虔也

章華地名吳語曰乃築臺于章華之上

疏

解章華至之上○昭七年

傳杜注臺在今華容城內水經沔水注又有胥濱蓋吳入郢之所開也水東入離湖湖在縣東七十五里湖側有章華臺臺高十丈基廣十五丈按今湖北荊州府監利縣東五里有華容城與伍舉升焉曰

臺美夫

解

伍舉湫舉也湫邑也對曰臣聞國君服寵以

爲美

解

服寵謂以賢受寵服是爲美也安民以爲樂**解**

以能安民爲樂聽德以爲聰**解**聽用有德也致遠以爲明**解**能致遠人也不聞其以土木之崇高彤鏤爲美**解**

彤謂丹楹鏤謂刻栴而以金石匏竹之昌大囂庶爲樂

解

金鐘也石磬也匏笙也竹簫管也昌盛也囂華也庶

衆也不聞其以觀大視侈淫色以爲明而以察清濁爲

聰也解察審也清濁宮羽也先君莊王爲匏居之臺解

匏居臺名高不過望國氛解氛稜氣也疏高不過望國氣○初學記

引五經異義天子有三臺靈臺以觀天文時臺以觀四時風臺以觀鳥獸魚鼈諸侯無靈臺但有時臺圓臺也呂氏春秋重己篇臺高則多陽多陽則痿此言高不可過之義國氣卽周禮氐暉所掌也大不過容

宴豆解言宴有折俎籩豆之陳木不妨守備解不妨城

郭守備之材用不煩官府解財用不出府藏民不廢時

務官不易朝常問誰宴焉則宋公鄭伯解言二國朝事

楚問誰相禮則華元駟駢解相相導也華元宋卿華御

事之子右師元也駢鄭穆公之子子駟也問誰贊事則

陳侯蔡侯許男頓子解贊佐也疏則陳至頓子○漢書地理志汝南郡南頓

縣故頓子國姬姓應劭曰頓迫於陳其後南徙故曰南頓故城尚在案今河南開封府項城縣北有南頓故城

陳蔡許周語已解訖其大夫侍之解各侍其君先君是以除亂克

敵而無惡於諸侯今君爲此臺也國民罷焉財用盡焉

年穀敗焉解敗廢民之時務百官煩焉解爲之徵發舉

國留之解留治也數年乃成願得諸侯與始升焉諸侯

皆距疏諸侯皆距○漢書五行志顏注距雞附足骨闕時所用刺之則距訓違抗之義無有至

者而後使大宰啓疆請於魯侯解啓疆楚卿蓮子也魯

侯昭公也事在昭七年懼之以蜀之役解蜀魯地魯宣

公使求好於楚楚莊王卒宣公薨不克作好至成公卽

位受盟于晉楚子怒使公子嬰齊帥師侵魯至蜀魯人

懼使孟孫賂楚以請盟在魯成二年

疏解蜀魯地○宣十八年傳杜注

蜀魯地泰山博而僅得以來解僅猶劣也使富都那豎

贊焉解富富於容貌都開也那美也豎未冠者也言取

美好不尙德也疏解富富至尙德○都開也者漢書司

甚都注張楫曰甚得都士之節也顏師古曰都開美之

稱也鄭風有女同車之篇曰洵美且都山有扶蘇之篇

曰不見子都則知都者美也或謂都卽訓美那不得復

言美爾雅釋詁那多也商頌猗與那與毛傳那多也案

文選洛神賦華容阿而使長鬣之士相焉解長鬣美須

那是那亦得訓美也疏而使至相焉○說文引內傳作長儼云長壯儼

頡也疏儼也則儼爲壯俊之稱宏嗣訓儼爲須頡殊違

許君之義矣臣不知其美也夫美也者上下外內小大遠邇

皆無害焉故曰美若以目觀則美解於目則美德則不

也縮於財用則匱解縮取也是聚民利以自封而瘠民

也胡美之爲解封厚也胡何也何以爲美夫君國者將

民之與處民實瘠矣君安得肥解安得獨肥言將有患

且夫私欲宏侈則德義鮮少德義不行則邇者騷離而

遠者距違解騷愁也離畔也邇境內遠鄰國也天子之

貴也唯其以公侯爲官正解正長也而以伯子男爲師

旅解帥師旅也其有美名也唯其施令德於遠近而小

大安之也若斂民利以成其私欲使民蒿焉忘其安樂

而有遠心解蒿耗也遠心畔離也其爲惡也甚矣安用

目觀故先王之爲臺榭也解積土曰臺無室曰榭疏積

土至曰榭○積土曰臺者爾雅釋宮四方而高曰臺釋名臺持也築土堅高能自勝持也無室曰榭者爾雅釋宮文禮疏引李巡曰但有大殿無室名曰榭書疏引孫炎曰榭但有堂宣十六年傳杜注宣榭講武屋無室曰榭謂屋歇前孔疏歇前者無壁也如今廳事也釋宮曰又云有木者謂之榭與國語義異故韋不据之也榭

不過講軍實解講習也軍實戎士也臺不過望氛祥解

凶氣爲氛吉氣爲祥故榭度於大卒之居解大卒王士

卒也度謂足以臨見之臺度於臨觀之高解足以臨下

觀上使屋榭不蔽目明而已其所不奪穡地解稼穡之

地其爲不置財用解爲作也其事不煩官業解業事也

其日不廢時務解以農隙也瘠磽之地于是乎爲之解

不害穀土也磽确也城守之木於是乎用之解城守之

餘然後用之官寮之暇於是乎臨之解暇間也四時之

隙於是乎成之解隙空間之時也故周詩曰經始靈臺

解經謂經度之立其基趾也天子曰靈臺疏經謂至

謂經度之立其基趾也者周頌鄭箋文王應天命度始

靈臺之基趾營表其位孔疏謂以繩度立表以定其位

處也天子曰靈臺者服虔左傳注天子曰靈臺諸侯曰

觀臺是也毛傳神之精明者稱靈四方而高曰臺服義

似與毛異孔疏通之曰此實觀氛祥之臺而名曰靈者

以文王之化行似神之精明故以名焉以此言文王之

臺故因言文王之化行似神之精明故以名焉以此言文王之

僖十五年傳秦獲晉侯以歸乃舍諸靈臺秦是諸侯而

得有靈臺者杜預曰在京北鄆縣周之故臺也哀二十

五年傳衛侯爲靈臺於籍圃則是新造其時僭名之也

經之營之庶民攻之不日成之解攻治也不日不程課

以時日也疏解攻治至時日○攻治也者周頌毛傳攻

作也考工記百工之事皆聖人所作也又

云攻木攻金攻皮以人言曰作以事言曰治事在人爲
故治之義本于作不日不課程以時日也者鄭箋衆民
則築作不設期日而成之言說文王之德經始勿亟庶
勸其事忘已勞也是不設課程之事也

民子來解亟疾也子來如子爲父也王在靈囿麀鹿攸

伏解囿域也麀牝鹿也攸所也視牝鹿所伏息愛存任

之類也疏以解囿域至之類○囿域也者周頌毛傳囿所

囿言靈道行于囿也孔疏春秋成十八年築鹿囿昭九

年築耶囿則囿者築牆爲界域而禽獸在其中鄭駁異

義云同言靈者於臺下爲囿沼則似因臺而名其實亦

因相近靈道編行故皆稱靈也麀牝鹿也者爾雅釋獸

鹿牡麀牝鹿周頌鄭箋攸所也文王親夫爲臺榭將以

教民利也解臺所以望氛祥而備災害榭所以講軍實

而禦寇亂皆所以利民也不知其以置之也解知間也

若君謂此臺美而爲之正解以爲得事之正楚其殆矣

解殆危也

靈王城陳蔡不羹解三國楚別都也魯昭八年楚滅陳

使穿封戌爲陳公十一年滅蔡使公子棄疾爲蔡公今

潁川定陵有東不羹城襄城有西不羹亭疏解三國至

十一年內傳杜注釋不羹與韋解同西不羹在今許州襄城縣東南東不羹在今南陽府舞陽縣北賈子書大都篇楚靈王問范無宇曰我欲大城陳蔡葉與不羹賦車各千乘焉亦足以當晉矣又加以楚諸侯其來朝乎范無宇曰不可臣聞大都疑國大臣疑主今大城陳蔡葉與不羹或不可充不足以威晉若充之以資財實之蔡葉與不羹之臣是輕本而重末也靈王弗聽果城陳蔡葉以重祿之臣是輕本而重末也靈王弗聽果城陳蔡葉與不羹居數年陳蔡葉與不羹奉公子棄疾內作難是昭十二年內傳是四國者當兼葉而言而不必分不羹爲二此國語言三國不兼葉而言亦不必分不羹爲二

國

使僕大夫子皙問於范無字解子皙楚大夫僕皙父

也范無字楚大夫芊尹申無字也曰吾不服諸夏而獨

事晉何也解不服心不服也唯晉近我遠也今吾城三

國賦皆千乘亦當晉矣解禮方十里爲成出長轂一乘

馬四匹牛十二頭步卒七十二人甲士三人三國各千

乘其地三千成也又加之以楚諸侯其來乎對曰其在

志也國爲大城未有利者解志記也言在書籍所記國

作大城未有利者昔鄭有京櫟解京駸公弟叔段之邑

櫟鄭子元之邑魯桓十五年鄭厲公因櫟人殺檀伯而

遂居櫟檀伯子元也疏解京嚴至子元○京隱元年傳

杜注鄭邑滎陽京縣按今開封

府榮陽縣東南二十里有京縣故城櫟桓十五年傳杜

注鄭別都水經穎水注引服虔曰檀伯鄭守櫟大夫櫟

鄭之大都宋忠曰今陽翟也周末韓景侯自新鄭徙都

之王隱曰陽翟本櫟也故穎川郡治也案今開封府禹

州為衛有蒲戚解蒲甯殖之邑戚孫林父之邑疏衛有

櫟地櫟三年傳杜注蒲衛地在陳甯長垣縣西南水經濟

水注濮渠又東逕蒲城北故衛之蒲邑孔子將之衛子

路出迎于蒲者也按今直隸大名府長垣縣為蒲地戚

史記趙世家正義引括地志云戚在相州漕水縣東三

十里杜預云戚衛邑在頓正縣西案今宋有蕭蒙解蕭

直隸大名府開州北七里有古城宋有蕭蒙蕭蒙解蕭

蒙公子鮑之邑疏宋有蕭蒙解蕭蒙解蕭蒙解蕭蒙解

為宋附庸莊十二年傳杜注蕭宋邑沛國蕭縣今縣屬

江蘇徐州府縣北十里有古蕭城蒙內傳作毫後漢郡

國志梁國蒙縣有蒙澤注引帝王世紀曰蒙有北毫即

景毫湯所盟處則蒙毫同地案今河南歸德府商邱縣

北有蒙澤縣南二十里有弁費解弁費季氏之邑疏有魯

五里有蒙澤縣南二十里有弁費解弁費季氏之邑疏有魯

五里有蒙澤縣南二十里有弁費解弁費季氏之邑疏有魯

五里有蒙澤縣南二十里有弁費解弁費季氏之邑疏有魯

弁費○漢地理志魯國卞縣僖十七年夫人姜氏會齊侯于卞者也按今山東兗州府泗水縣東五十里有故

卞城漢書地理志東海郡費縣故魯季齊有渠正渠解渠解氏邑齊乘云費城在費縣西北二十里齊有渠正渠解渠解

正齊大夫雒廩之邑疏齊有渠正○後漢郡國志齊國

山東青州府臨淄縣西三十里晉有曲沃解曲沃欒盈之

邑秦有徵衛徵衛秦桓公之子景公之弟公子鍼之

邑疏秦有徵衛○徵漢地理志左馮翊徵縣顏師古曰

此地耳而杜元凱未詳其處地理志又云左馮翊徵縣

顏師古曰卽春秋秦晉戰于彭衙文二年傳杜注馮翊

郃陽縣西北有衙城秦本紀正義引括地志彭衙故城

東北六十里叔段以京患嚴公鄭幾不封解叔段圖篡

嚴公不克出奔在魯隱元年封國也櫟人實使鄭子不

得其位

解

魯嚴公十四年厲公自櫟侵鄭獲大夫傅瑕

與之盟而赦之使殺鄭子而納厲公鄭子嚴公之子子儀

也衛蒲戚實出獻公

解

甯殖孫林父逐衛獻公獻公奔

齊在魯襄十四年宋蕭蒙實殺昭公

解

昭公兄鮑殺昭

公而自立在魯文十六年魯并費實弱襄公

解

襄公十

年季武子卑公室作三軍而自征之二十九年又取并

以自子齊渠丘實殺無知

解

魯嚴公八年無知殺襄公

而立九年雝廩殺之晉曲沃實納齊師

解

欒盈奔齊齊

嚴公納之盈以曲沃之甲晝入爲賊于絳在魯襄二十

三年秦徵衛實難桓景

解

公子鍼有寵于桓如二君子

景難謂侵逼也魯昭元年鍼奔晉其車千乘皆志於諸侯此其不利者也

脛

皆見記錄于諸侯且夫制邑若體

性焉有首領股肱至於手拇毛脈

解

拇大指也毛須髮

也

疏引大至須髮○爾雅釋訓履帝武敏敏也詩疏

母足大指處拇通于夏傳作趾足大指左傳謂之將指漢書高帝紀顏注在頤曰須在頰曰鬚脈說文血理分袞行體者釋名脈幕也幕絡一體也周禮瘍醫以鹹養脈漢書藝文志盤經者原人血脈骨髓陰陽表裏是脈為流通大能掉小故變而不勤

解

掉作也變動也勤

勞也地有高下天有晦明民有君臣國有都鄙古之制

也先王懼其不帥

解

帥循也故制之以義旌之以服行

之以禮

解

謂名位不同禮亦異數辨之以名

解

名號也

書之以文解書其名位及其所掌主道之以言既其失

也易物之由解易物易其尊卑服物之宜也夫邊境者

國之尾也譬之如牛馬處暑之既至解處暑在七月節

處止也疏解處暑至處止○漢書律歷志鶉尾初張十

商爲八月于周爲九月後漢書律歷志處暑日所在翼

九度十六分退二黃道去極七十八半強暑景三尺三

寸三分晝漏刻六十二分夜漏刻三十九八分昏中

星斗十少退旦中星畢三大退三蓋是時暑當止也虫

饋之既多而不能掉其尾臣亦懼之解大曰虫小曰饋

不能掉尾益重也以言三國亦將畔也疏解大曰虫小

項籍傳博牛之虫不可以破強顏注言以手擊牛之背

可以殺其上虫而不能破強是虫大於強也爾雅釋虫

蜚蠊蟹郭注蜚卽負盤臭蟲漢書五行志蜚劉向不然

以爲負蝥也廣雅云負盤躡也蟹蠶蓋古字通

是三城也豈不使諸侯之心惕惕焉解惕惕懼也子皙復命王曰是知天咫安知民則解咫言少也言少知天道耳何知治民之法是言誕也解誕虛也右尹子革侍

解

子革楚大夫字故鄭大夫子然之子然丹也

疏

解子革至

然丹○襄十九年傳子革出奔楚爲右尹昭十二年傳杜注子革鄭丹曰民天

一年傳鄭丹在內昭十二年傳杜注子革鄭丹曰民天之生也知天必知民矣是其言可以懼哉三年陳蔡及

不羹人納棄疾而殺靈王解城後三年也在魯昭十三

年棄疾恭王之子靈王之弟平王也靈王爲無道棄疾

入國爲亂三軍畔之於乾谿王自殺言殺者王之死由

三國也

疏

解棄疾至三國○韓非子十過篇楚靈王爲申之會宋太子後至執而囚之狎徐君拘齊

慶封居末期年靈王南遊羣臣從而劫之靈王餓而死于乾谿之上

左史倚相廷見申公子亶解倚相楚左史也子亶楚申

公史老也廷見于廷見之子亶不出左史諉之疏左史

○論語子貢方人鄭康成本作諉人則諉乃公論其是非非訕訐也舉伯以告解舉伯楚

大夫也子亶怒而出曰女無亦謂我老耄而舍我而又

諉我解八十曰耄舍棄也左史曰唯子老耄故欲見以

交倣子解交夾也若子方壯能經營百事倚相將奔走

承序解承受事業次第也於是不給而何暇得見解給

共也昔衛武公年數九十有五矣解武公衛信公之子

共伯之弟武公和也疏武公至公和○衛世家釐侯卒太子共伯除立爲君共伯弟

和有寵于釐侯多予之賂和以其賂賂士以襲攻共伯于墓上共伯入釐侯諶自殺而立和爲衛侯是爲武公卽位四十二年犬戎殺周公幽王武公將兵往佐周平戎甚有功周平王命武公爲公五十五年卒索隱曰和殺共伯代立此說蓋非也季札美康叔武公之德又國語稱武公謂之叔聖又詩著衛世子恭伯蚤卒不云被殺若武公殺兄而立豈可以爲訓而形之國史乎按武公卽位年已四十餘共伯又是其兄是年被弑不得爲蚤卒況髡彼兩髦爲具父母者之飾其猶箴倣於國解箴伯果殺于釐侯卒後何以言兩髦乎猶箴倣於國解箴刺也倣戒也曰自卿以下至於師長士解師長大夫士

衆士也苟在朝者無謂我老耄而舍我解舍謂不諫戒也必恭恪於朝朝夕以交戒我聞一二之言必誦志而納之以訓道我解言謫譽之言也志記也在輿有旅賁之規解規規諫也旅賁勇力之士掌執戈盾夾車而趨

車止則持輪位也有官師之典解中庭之左右謂之位

門屏之間謂之也師長也典常也疏耐解中庭至之也○

左右謂之位庭通作廷說文廷朝中也江永曰治朝外

朝皆平地爲庭無堂無階曾子問諸侯旅見天子雨霑

服失容則廢明在庭中也按位古通作立論語東帶立

于朝卽左傳所謂有位于朝也釋宮又云門屏之間謂

之也也將見君所位立之處設屏以蔽內外故釋名云

昭十一年傳朝有著定周語倚几有誦訓之諫解誦訓

大夫士日恪位著以儆其官工師所誦之諫書之以几也居寢有誓御之箴解誓近

也疏誓近也○誓御內小臣之屬周禮天官內小臣奄

如巷伯之刺聽讒頭臨事有誓史之道解事戎祀也誓

須之誠心覆是也樂大師掌詔吉凶史太史也掌詔禮事宴居有師工之

誦解師樂師工瞽矇也誦謂箴諫也疏宴居至之誦○

康成曰退朝而處曰燕居退燕避人曰間居周禮瞽矇

掌諷謂詩世世莫繫鄭司農云諷誦詩主誦詩以刺君過

杜子春云世莫繫諸侯卿大夫世木之屬也瞽矇掌誦

詩并誦世繫以勸戒人君也賈公彥曰背文曰諷以聲

節之日誦史不失書矇不失誦以訓御之解御進也於是乎

作懿戒以自儆也解三君云懿戒書也昭謂懿詩大雅

抑之篇也懿讀曰抑毛詩敘曰抑衛武公刺厲王亦以

自儆也疏解昭謂至自儆○懿讀曰抑者小雅抑此皇

意漢書高帝紀詔其有意稱明德文選注引此詔意稱

作懿稱古抑意懿字皆相通詩序衛武公刺厲王亦以

自儆也疏申其義謂志在刺王亦所以自儆戒已身以

爲王之惡將致滅亡羣臣隨之已亦淪陷案衛世家武

公之立宣王十年武公之卒在平王之世卽以平王元

武公九年

宣王十年

武公之卒

在平王之

世卽以平

王元

年計之上距厲王流彘之歲已六十七年孔疏謂後世
乃作追刺之耳武公爲周卿士不應於六十餘年之後
暴揚先王之過惡則序義疏義未足據也詩言謹爾侯
度又言曰喪厥國則是諸侯自謂無疑二雅皆王朝事
劉瑾謂武公爲王朝卿士作詩故亦入於雅乎篇中屢
言小子蓋使人日夕諷誦以儆已耳夫差使人立庭且
斥其名則箴戒之體指武及其沒也謂之叡聖武公解
公爲小子亦無不可也

叡明也書曰叡作聖謚法威強叡德曰武子實不叡聖
於倚相何害解害傷也周書曰文王至於日中廂不皇

暇食解日昃曰廂易曰日中則廂疏文王至暇食○尙

傳日上其中食日爲二且日爲三則人之常食在日中
之前謂辰時也易豐卦彖曰日中則廂謂過中而斜廂
也廂亦名昃言日蹉跌而下謂未時也故日十位食時
爲辰日昃爲未言文王勤于政事從朝不食或至于日
中或至于日廂猶不暇食皇亦暇
也重言之古人復語猶艱難也
惠於小民唯政之恭

文王猶不敢情今子老楚國而欲自安也解老老恃楚國也以禦數者王將何爲解禦止也數者謂諸箴戒誹謗也爲人臣尙如此王將復何爲若常如此楚其難哉解難以爲治子輿懼曰老之過也解老子輿名也乃驟見左史

靈王虐白公子張驟諫

解

子張楚大夫白公也

疏

張解子至

白公○楚縣尹皆曰公故曰白公哀十六年傳杜注白楚邑汝陰襄信縣西南有白亭

王患之謂

史老曰吾欲已子張之諫若何

解

史老子輿也已止也

對曰用之實難已之易矣若諫君則曰余左執鬼中右執殤宮解中身也禮曰其中退然天死曰殤殤宮殤之

居也執謂把其錄籍制伏其身知其居處若今世云能

使殤也疏康成謂巫至使殤○周禮司巫掌巫降之禮鄭

則死其遺禮蓋人無賢愚皆有魂魄魂魄分去則病盡去

之義春分去則術家有錄人之法盡去則與禮有招魂

精上為虛危脾者土之精也強死能為神也楚人名巫

拘魂東井還魂殤者身之強也強死能為神也楚人名巫

為殤子言靈降其身也離騷九歌皆歌其事殤殤占字

通殤讀為傷淮南傲真訓曰傷死者其鬼嬖使殤猶下

殤即巫降之禮漢書郊祀志上求神君舍之上林中甕

氏館神君者長陵女子曰乳死見神于先後宛若宛若

明微凡百箴諫吾盡聞之矣甯聞它言解不欲聞諫也

白公又諫王如史老之言對曰昔殷武丁能聳其德至

於神明解武丁高宗也聳敬也至通也通于神明謂夢

見傅說疏解武丁高宗○史記殷本紀帝般庚崩弟小

丁祭成湯○明日有飛雉登鼎耳而响武丁懼祖已乃訓

王武丁修政行德天下咸驩殷道復興帝武丁崩子祖

庚立祖己嘉武丁之以祥雉爲德立以入於河解遷於

其廟爲高宗遂作高宗彤日及訓以入於河解遷於

河內白河祖亳解從河內往都亳也疏以入至祖亳○

從河內往都亳者商書說命入宅於河自河祖亳汲都

古文云小乙六年命世子武丁居于河學于甘盤閻若

疎曰古所謂河內者在冀州三面距河之內非若漢郡

之但以懷汲爲河內史記正義古帝王之都多在河東

河北故呼河北爲河內河南爲河外又曰河從龍門南

至華陰東至衛州東北入海曲繞冀州故言河內般庚

自河而北而南都亳張皇甫謐以爲今偃師是般傳

亳乃武丁仍都亳子張小白公所謂以爲今偃師是般傳

民間遷徙不常故自河外入河內復自河內往河外解

按武丁出王都濟河北行復於河內三年默以思道解

默諒闇也思道思君人之道也書曰高宗諒闇三年不

言言乃離疏

乃或亮陰三年不言史記魯世家集解內

傳隱元年正義引鄭康成書注諒闇作梁園楣謂之梁

闇謂廬也小乙崩武丁立憂喪三年之禮居倚廬柱楣

不言政事又內傳隱元年正義晉書禮志杜佑通典凶

禮篇並引馬融書注亮信也陰默也爲聽于冢宰信默

而不言又論語孔安國注諒信也陰猶默也韋解不用

鄭義者亮陰爲宅憂所居之定名非高宗所獨有況萬

幾之大不能購縣一唯其有家宰可信任故王可不

言則唯能信所以能默故以諒闇釋默字孔子答子張

明言百官總己以聽於冢宰三年此正孔子之義所本

而宏嗣此解則又本孔馬也三年不言言乃離者書傳

在喪則唯其不言喪畢發言則天下和按大卿士患之

雅思齊毛傳應和也足以釋離之義卿士患之

解合命也稟受也武丁於是作書解以書解卿士也賈

解患其不言曰王言以出令也若不言是無所稟令也

不信君也故不敢不言不然何急其以言取罪也王病之曰子復語解病不能然故復使語不穀雖不能用吾慙寘之於耳解慙猶願也寘置也對曰賴君之用也故言解賴恃也不然巴浦之犀犛兕象其可盡乎其又以規爲瑱也解犛犛牛也規諫也瑱所以塞耳也言四獸之牙角可以爲瑱難盡也而又以規諫爲之乎今象出

徼外其三獸則荆交有焉巴浦地名或曰巴巴郡浦合

浦疏

解犛犛至合浦○犀兕象晉語已解疏犛犛牛也

徼外

李奇郭璞並云犛音狸顏師古注犛牛卽今之貓

牛犛字

又音茅漢書郊祀志顏師古注犛西南夷長尾

鬣之牛也瑱所以塞耳也者詩淇澳毛傳充耳謂之瑱天子玉瑱諸侯以石儀禮既夕記云瑱塞耳冬官玉人

職天子用全諸公用龍侯用瓊伯用將注公侯四玉一
石伯子男三玉二石諸侯既充耳以素正義謂素是象
牙角可爲瑱者齊風著首章充耳以素正義謂素是象
珉此士大夫之制國君亦得用之巴浦地名或曰巴巴
郡浦合浦者桓九年傳巴子使韓服告於楚請與鄧爲
好水經江水注巴水出晉昌郡宣漢縣巴嶺山西南入江
歷巴中經巴郡故城南李嚴所築大城北西南入江史
記蘇秦列傳案隱巴水名與漢水相近說文浦瀕也玉
篇水源枝注江海邊曰浦風土記大水有小口別通曰
浦則巴浦者巴水之浦也其地爲敵故多蹶漢地理志
巴郡秦置屬益州合浦郡武帝元鼎六年開屬遂趨而
交州則楚靈王時安得有此二郡乎或說非也

退歸杜門不出七月乃有乾谿之亂靈王死之解乾谿

楚東地也疏解乾谿楚東地○陸賈新語楚靈王作乾

國城父縣南今安徽潁州府亳州東南有乾谿與城父村相近卽漢之城父縣

司馬子期欲以其妾爲內子解子期楚平王之子子西

之弟公子結也爲大司馬卿之適妻曰內子訪之左史

倚相曰吾有妾而愿欲笄之其可乎解愿愆也笄內子

首服衡笄也

疏

解笄內至衡笄○內則婦事舅姑櫛紒

于士男子笄縱故於此始云笄今簪也正義婦人之笄異
子爲弁笄皮弁簪同故鄭注冠禮亦云笄今之簪也案
男子之笄二內則之笄熊安生云此笄爲安髻之笄即
士喪禮笄用喪長四寸緩中是也爵弁皮弁之笄以固
冠則長尺二寸婦人之笄一內則十
有五年而笄此笄亦長尺二寸也

對曰昔先大夫子
襄違王之命謚解違厲以爲恭子夕嗜芟子木有羊饋

而無芟薦解子木違父命以羊饋易芟薦君子曰違而

道解違命合道穀陽豎愛子反之勞也而獻飲焉以弊

於鄢解穀陽豎子反之內豎也弊踣也魯成十六年晉

楚戰於鄢陵楚師敗恭王傷目明日將復戰王召子反

穀陽豎獻飲於子反醉不能見王曰天敗楚也乃宵遁

子反遂自殺

疏

穀陽至於鄢○韓非子十遇篇呂氏春

鄢陵臨戰司馬子反渴而求飲豎陽穀穆黍酒而進之

也豎陽穀又曰非酒也豎陽穀曰非酒也子反曰亟退卻

嗜酒甘而不能絕於口以醉戰既罷龔王欲復戰而謀

使召司馬子反子反辭以心疾龔王駕而往視之入幄

中問酒臭而還曰今日之戰不穀親傷所恃者司馬也

司馬又若此是忘荆國之社稷而不恤吾衆也不穀無

與復戰矣罷師而去之斬司馬子反以為戮淮南人間

陽穀奉酒而進之案韓非呂不韋言獻飲在初戰之前

與內傳不合當
以淮南爲正
芊尹申亥從靈王之欲以隕於乾谿解

芊尹申亥申無宇之子也乾谿之役申亥曰吾父再奸

王命王不誅恩孰大焉乃求王遇諸棘闢以王歸王經
申亥以其二女殉而葬之疏荊尹○左傳釋文荊于付
名哀十七年陳有荊尹蓋疏反昭六年傳孔疏荊是也
皆以少名官不知其故君子曰從而逆解從從欲也
君子之行欲其道也解欲得其道故進退周旋唯道之
從夫子木能遒若敖之欲解若敖子夕也以之道而去
芟薦吾子經楚國解經經緯也而欲薦芟以干之解干
犯也以妾爲妻猶以芟當祭也其可乎子期乃止

國語正義卷第十七終